



# **INFORMACIJA O STANJU KRIMINALITETA- SIGURNOSTI**

na području Federacije BiH  
za period: JANUAR-DECEMBAR 2020. godine

## **Sarajevo, JANUAR 2021. godine**

### **I UVOD**

U skladu sa članom 65. i 66. tačke 2 i 3. Zakona o unutrašnjim poslovima Federacije Bosne i Hercegovine ("Službene novine F BiH", broj 81/14) i člana 9. Instrukcije o međusobnom izvještavanju o pojavama u oblasti javne sigurnosti između FMUP-a Bosne i Hercegovine i kantonalnih ministarstava unutrašnjih poslova u Federaciji o pitanjima koja su od interesa za sigurnost Federacije Bosne i Hercegovine broj: 09-1608 od 26.07.2007.godine i Uputstva o popunjavanju statističkih obrazaca broj: 09-1609 od 26.07.2007. godine, sačinjena je Informacija o stanju kriminaliteta - sigurnosti na području Federacije Bosne i Hercegovine za period januar-decembar 2020. godine, i ista je urađena po standardiziranoj metodologiji na temelju statističkih podataka dobijenih od strane kantonalnih ministarstava unutrašnjih poslova – Uprava policije i Federalne uprave policije.

Kako bi se uspješno provodile ustavne i zakonske nadležnosti Federalne uprave policije i kantonalnih ministarstava unutrašnjih poslova, agencije su obavezne da se pridržavaju člana 38. (Međusobno obavještanje Uprave policije i kantonalnih ministarstava unutrašnjih poslova), člana 65. i 66. (Odnos Federalnog ministarstva unutrašnjih poslova i Uprave policije sa kantonalnim ministarstvima) Zakona o unutrašnjim poslovima Federacije Bosne i Hercegovine („Službene novine F BiH“, broj 81/14).

Koordinacija rada policijskih agencija u Federaciji BiH vršena je kroz održavanje sastanaka zamjenika direktora Federalne uprave policije i komesara/direktora kantonalnih ministarstava unutrašnjih poslova gdje su razmatrana strateška, organizaciona i operativna pitanja zajedničkog funkcionisanja, a u cilju stvaranja sigurnosnog ambijenta na prostoru čitave Federacije Bosne i Hercegovine.

Informacija o stanju kriminaliteta - sigurnosti na području Federacije Bosne i Hercegovine sublimira kriminalitet, javni red i mir, sigurnost saobraćaja i aktivnost policije koja su se dogodila u periodu januar- decembar 2020. godine, a što se može vidjeti kroz statističke pokazatelje rada kantonalnih ministarstava unutrašnjih poslova u Federaciji Bosne i Hercegovine i pokazatelje rada Federalne uprave policije – Federalnog ministarstva unutrašnjih poslova.

## II OPĆE STANJE SIGURNOSTI U FBiH


Stanje sigurnosti na području Federacije Bosne i Hercegovine, prema statističkim podacima kantonalnih Ministarstava unutrašnjih poslova i Federalne uprave policije, prezentovanih po zadatim segmentima (tabela 1.) za 2020. godinu u odnosu na 2019. godinu, karakteriše povećanje:

- \* broja izvršenih krivičnih djela za 349 (ili 2,19%),
  - \* broja registrovanih prekršaja iz oblasti javnog reda i mira za 14.679 (ili 95,49%),
  - \* broja napada na ovlaštena službena lica za 12 (ili 15,58%),
- dok je smanjen broj saobraćajnih nesreća za 3.828 (ili 15,82%),

FEDERACIJA BiH ZA PERIOD: JANUAR-DECEMBAR 2020/2019.	2019. GODINA	2020. GODINA	RAZLIKA	%TREND 2020/2019.
KRIMINALITET (BROJ KD)	15925	16274	349	2.19%
JAVNI RED I MIR (BROJ PREKRŠAJA)	15373	30052	14679	95.49%
SAOBRAĆAJNE NESREĆE (BROJ SN)	24204	20376	-3828	-15.82%
NAPADI NA OVLAŠTENNA SLUŽBENA LICA (BROJ NAPADA NA OSL)	77	89	12	15.58%

Tabela 1.: Kvantitativni pokazatelji segmenata sigurnosti na području F BiH

U narednim grafikonima prezentovani su gore navedeni segmenti posmatrani po udjelu kantonalnih Ministarstava unutrašnjih poslova i Federalne uprave policije u ukupnom broju predmetnih pokazatelja, te su dati osvrti i procjena sveukupnog stanja kriminaliteta-sigurnosti na području Federacije Bosne i Hercegovine.



Grafikon 1.: Ukupan broj evidentiranih krivičnih djela na području F BiH

Posmatrajući ukupan broj evidentiranih krivičnih djela razvrstanih po kantonima i broju istih u Federalnoj upravi policije, (Grafikon 1.) u Federaciji Bosne i Hercegovine, tokom 2020. godine u odnosu na 2019. godinu, može se konstatovati smanjenje ukupnog broja prijavljenih krivičnih djela na području: Unsko-sanskog, Tuzlanskog, Bosansko-podrinjskog, Srednjobosanskog, Hercegovačko-neretvanskog, Zapadnohercegovačkog kantona i Kantona 10-Livno, dok je povećanje prijavljenih krivičnih djela zabilježeno na području ostalih kantona i Federalne uprave policije.

Sagledavajući strukturu krivičnih djela, uočeno je povećanje istih iz Krivičnog zakona Bosne i Hercegovine, i to: protiv čovječnosti i vrijednosti zaštićenih međunarodnim pravom, dok je smanjenje prijavljenih krivičnih djela zabilježeno u sljedećim Glavama Krivičnog zakona Bosne i Hercegovine: protiv privrede i jedinstva tržišta te krivična djela iz oblasti carina, zatim krivičnih djela korupcije i krivična djela protiv službene i druge odgovorne funkcije, krivična djela dogovora, pripremanja, udruživanja i organizovanog kriminala, te ostalih krivičnih djela prema Krivičnom zakonu Bosne i Hercegovine.

Kada je riječ o Krivičnom zakonu Federacije Bosne i Hercegovine, evidentirano je povećanje krivičnih djela: iz oblasti krivičnih djela protiv ustavnog poretka, protiv zdravlja ljudi, protiv privrede, poslovanja i sigurnosti platnog prometa, u oblasti radnih odnosa, protiv opće sigurnosti ljudi i imovine, protiv pravosuđa, protiv javnog reda i pravnog prometa, protiv službene i druge odgovorne funkcije i oblasti krivičnih djela iz sistema elektronske obrade podataka. Dok je smanjenje evidentirano u oblasti krivičnih djela protiv života i tijela, protiv slobode i prava čovjeka i građanina, protiv spolne slobode i morala, protiv braka porodice i mladeži, protiv sigurnosti javnog prometa, protiv imovine, te ostalih krivičnih djela prema KZ FBiH, kao i krivična djela iz drugih posebnih zakona.<sup>1</sup>

Tokom 2020. godine došlo je do smanjenja ukupnog broja krivičnih djela protiv života i tijela, manje za 95 djela u odnosu na 2019. godinu dok je u segmentu krivičnih djela iz člana 166. KZ FBiH - ubistvo, evidentirano povećanje broj istih za tri djela više u odnosu na 2019. godinu, kao i broja krivičnih djela iz člana 166. u vezi sa članom 28. KZ FBiH – ubistvo u pokušaju kojih je više za 8 djela. U izvještajnom periodu za 2020. godinu nerasvijetljena su dva krivična djela ubistva, koja su se desila na području Unsko-sanskog kanton, a riječ je o krivičnim djelima koja su počinili migranti na štetu migranata.<sup>2</sup>

Podaci sa područja Federacije BiH koji generišu krivična djela počinjena protiv

---


<sup>1</sup> Za detaljniji prikaz povećanja, odnosno smanjenja ovih krivičnih djela pogledati tabele „Pokazatelji kriminaliteta po glavama KZ BiH/ KZ FBiH na području BiH“, strana 11. i 12.

<sup>2</sup> Tabelarni prikaz krivičnih djela iz Glave XVI KZ FBiH, pogledati na strani 15. i 16, tabela broj 7 i tabela broj 8.

slobode i prava čovjeka i građanina (Glava XVII KZ F BiH) u 2020. godini su manji u odnosu 2019. godinu za 63 djela. Međutim u povećanju je broj krivičnih djela protiv opće sigurnosti ljudi i imovine (Glava XXVII KZ F BiH), gdje je za 33 djela više u odnosu na 2019. godinu. Povećanje krivičnih djela zabilježeno je u oblasti protiv pravosuđa (Glava XXIX KZ F BiH) više za 43 dijela nego u 2019. godini, posebno u segmentu povećanja krivičnih djela iz člana 342. KZ F BiH – Organizovani kriminal gdje je evidentirano povećanje za 50 dijela u odnosu na prošlu godinu. Kod djela iz Glave XXX – protiv javnog reda i pravnog prometa evidentirano je povećanje istih za 88 djela u odnosu na isti period 2019. godine, a posebno u segmentu povećanja djela iz člana 371. KZ F BiH - Nedoizvoljeno držanje oružja ili eksplozivnih materija, kojih djela za 23 više ima nego u 2019. godini. Kada je riječ o krivičnim djelima iz oblasti zloupotrebe opojnih droga, evidentno je povećanje istih (više za 306 krivična djela) u izvještajnom periodu za 2020. godinu u odnosu na 2019. godinu, kako broja krivičnih djela, tako i broja prijavljenih lica.<sup>3</sup>

U oblasti krivičnih djela privrednog, finansijskog kriminala i korupcije tokom izvještajnog perioda za 2020. godinu došlo je do povećanja evidentiranih krivičnih djela više za 297 djela u odnosu na 2019. godinu (Glava XXXI - protiv službene i druge odgovorne funkcije evidentirano je 264 djela više nego u 2019. godini).

U oblasti krivičnih djela kompjuterskog kriminala došlo je do povećanja u 2020. godini za 97 dijela u odnosu na 2019. godinu (Glava XXXII KZ FBiH) posebno u članu 395. KZ FBiH - Računalna prijevara, gde je evidentirano povećanje za 69 krivičnih djela u 2020. godinu u odnosu na prošlu godinu.




Grafikon 2.: Uporedni pregled broj evidentiranih krivičnih djela na području F BiH za period 2019./2020. godine


***Sagledavajući i rezimirajući segment kriminaliteta, kroz evidentirana krivična djela počinjena tokom perioda januar-decembar 2020. godine, a***

<sup>3</sup> Krivična djela iz oblasti zloupotrebe droga prezentovana na strani 17. i 18, tabele broj 9., 10. i 11.

**komparirajući navedena sa istim periodom 2019. godine, može se zaključiti da je tokom posmatranog perioda 2020. godine stanje sigurnosti iz ovog segmenta, na području Federacije Bosne i Hercegovine bilo zadovoljavajuće.**



Grafikon 3.: Pokazatelji broja prekršaja iz oblasti JRM na području F BiH




Grafikon 4.: Usporedni pregled broja evidentiranih prekršaja iz oblasti JRM na području F BiH za period 2019./2020. godine

**Sagledavajući stanje javnog reda i mira u odnosu na isti period 2019. godine može se zaključiti da je stanje zadovoljavajuće.**


Obzirom da je Odlukom Vlade Federacije Bosne i Hercegovine (Službene novine FBiH broj 21/2020 od 20.03.2020. godine), došlo do proglašenja stanja nesreće uzrokovane pojavom koronavirusa (COVID-19) na području Federacije Bosne i Hercegovine, povećanje broja prekršaja uzrokovano je povećanim brojem izdatih prekršajnih naloga za nepoštivanje naredbi i mjera donesenih od strane Federalnog štaba civilne zaštite. Predmetna Odluka je stavljena van snage 31.05.2020. godine (Službene novine FBiH broj 34/2020 od 20.03.2020. godine).

Takođe je, zbog pogoršane epidemiološke situacije na području Federacije Bosne i Hercegovine donesena Naredba Kriznog štaba Federalnog ministarstva zdravstva, broj: 01-33-6191/20 od 04.11.2020. godine, kojom se između ostalih mjera ograničava kretanja građana u vremenskom periodu od 23:00 – 05:00 sati, što je još jedan od razloga povećanja broja prekršaja<sup>4</sup>.

Kada je riječ o oduzetom nelagalnog oružju i minsko-eksplozivnim sredstvima, povećan je broj oduzetih komada protuoklopnog oružja, tromblonskih mina, ručnih bombi te drugih predmeta za nanošenje tjelesnih ozlijeđa tokom izvještajnog perioda 2020. godine u odnosu na 2019. godinu. Također je evidentno i povećanje broja komada oduzetog raznog oružja (razne vrste puški i automatskih pištolja).<sup>5</sup>



Grafikon 5.: Pokazatelji broja saobraćajnih nesreća na području F BiH



<sup>4</sup> Detaljniji prikaz na strani 29.


<sup>5</sup> Pokazatelji oduzetog nelegalnog oružja i drugih predmeta na području FBiH prikazani u tabeli na strani 31., tabele 27. i 28.

Grafikon 6.: Usporedni pregled evidentiranih saobraćajnih nesreća na području FBiH za period 2019./2020. godine

Tokom izvještajnog perioda 2020. godine na području Federacije Bosne i Hercegovine evidentirano je smanjenje broja saobraćajnih nesreća na području svih kantona, što u konačnici prema statističkim podacima prikupljenim sa područja F BiH daje prikaz smanjenja ukupnog broja saobraćajnih nesreća za 3.828 manje u odnosu na 2019. godinu. Analizirajući prezentirane pokazatelje iz segmenta sigurnosti saobraćaja, pored navedenog smanjenja broja saobraćajnih nesreća, pokazatelj koji prikazuje broj povrijeđenih lica manji za 1.234 lica, dok je broj poginulih osoba u povećanju za dva smrtna ishoda na cestama Federacije Bosne i Hercegovine.<sup>6</sup>

Pojačan preventivni rad policijskih službenika u Federaciji Bosne i Hercegovine, i primjena raspoloživih represivnih mjera, rezultirao je pokazateljima koji referišu smanjenje broja kontrolisanih vozila i vozača tokom perioda januar-decembar 2020. godine, uz napomenu da u periodu proglašenja stanja nesreće na području Federacije Bosne i Hercegovine, u periodu od 21.03.2020. – 24.04.2020. godine, kao i u periodima 01.05.2020.-03.05.2020. godine, i od 21.12.2020. godine na snazi je ograničenje kretanja građana u vremenskom periodu od 23:00-05:00 sati, čime je navedeni segment u opadanju.<sup>7</sup>

***Kao zaključak navodi se da je stanje sigurnosti u segmentu saobraćaja zadovoljavajuće, s obzirom na smanjenje broja saobraćajnih nesreća na cijelom području Federacije Bosne i Hercegovine.***



Grafikon 7.: Pokazatelji broja napada na policijske službenike na području F BiH

Na području Federacije Bosne i Hercegovine, tokom 2020. godine

<sup>6</sup> Kvantitativne pokazatelje vezane za sigurnost saobraćaja pogledati na strani 32 i 33., tabela 29. i 30. grafikon broj 24 i 25



evidentirano je 89 napada na policijske službenike što je više za 12 napada u odnosu na 2019. godinu, dok je evidentirano smanjenje broja upotrebe sile od strane policijskih službenika.



Grafikon 8.: Uporedni pregled evidentiranih napada na policijske službenike na području FBiH za period 2019./2020. godine

Najviše napada je izvršeno prilikom održavanja i uspostavljanja javnog reda i mira – 27, zatim pri kontroli saobraćaja - 19, preduzimanju ostalih radnji – 12, lišavanju slobode – 8, privođenja i zadržavanja kao i pri utvrđivanju identiteta – po 7, zaticanju lica u vršenju krivičnog djela – 4, pri pružanju asistencija – 3, pri intervenciji u vezi nelegalnog prelaska granice i sprovođenju lica po jednom, kako je navedeno u tabeli broj 27. Tokom 2020. godine kao posljedica gore navedenih napada prilikom obavljanja službene dužnosti na području Federacije Bosne i Hercegovine 67 policijskih službenika je zadobio lakše ozljede, dok su dva policijska službenika zadobila teže tjelesne ozljede.

Najveći broj napada na policijske službenike zabilježen je na području Kantona Sarajevo, zatim slijede Tuzlanski kanton, Unsko-sanski kanton, Srednjobosanski kanton, Zeničko-dobojski kanton...<sup>8</sup>

***Sagledavajući sveukupne statističke pokazatelje iz segmenata sigurnosti: kriminaliteta, javnog reda i mira, saobraćaja i aktivnosti policije, u posmatranom periodu januar-decembar 2020. godine zaključuje se da je sigurnosna situacija u Federaciji Bosne i Hercegovine na zadovoljavajućem nivou.***

<sup>7</sup> Pokazatelji prezentovani u tabeli na strani 34., tabela 31.

<sup>8</sup> Pokazatelji napada na policijske službenike na stranama 35. - 37.

## II KRIMINALITET

U izvještajnom periodu januar-decembar 2020. godine na području Federacije Bosne i Hercegovine policijski službenici su, poduzimajući mjere i radnje na otkrivanju krivičnih djela, nadležnim tužilaštvima podnijeli ukupno 14.211 službenih izvještaja o počinjenom krivičnom djelu za 16.274 krivična djela od čega:


- Po KZ BiH – 74 krivičnih djela;
- Po KZ FBiH – 16.028 krivičnih djela;
- Po drugim posebnim zakonima – 172 krivičnih djela.

Zbog postojanja osnova sumnje da su počinili krivična djela, nadležnim tužilaštvima podneseni su službeni izvještaji protiv 11.369 lica, među kojima je 313 maloljetnika, 4.621 povratnika u vršenju krivičnog djela i 57 pripadnika MUP-a, u vršenju krivičnih djela. Slobode je lišeno 3.341 lice.

KRIMINALITET- FEDERACIJA BOSNE I HERCEGOVINE									
PERIOD: JANUAR-DECEMBAR	UKUPAN BROJ KRIVIČNIH DJELA	KD - KZ BiH	KD - KZ FBiH	KD IZ DRUGIH POSEBNIH ZAKONA	UKUPAN BROJ PRIJAVLJENIH LICA ZA KD	POVRATNICI U VRŠENJU KD	MALOLJETNICI	PRIPADNICI MUP-a	BROJ LICA LIŠENIH SLOBODE
2019. GODINA	15925	89	15647	189	11886	4516	417	36	3661
2020. GODINA	16274	74	16028	172	11369	4621	313	57	3341
RAZLIKA	349	-15	381	-17	-517	105	-104	21	-320
TREND (%)	2.19%	-16.85%	2.43%	-8.99%	-4.35%	2.33%	-24.94%	58.33%	-8.74%

Tabela 2.: Kvantitativni pokazatelji segmenta kriminaliteta na području F BiH

Tokom perioda januar-decembar 2020. godine Ministarstvo unutrašnjih poslova Kantona Sarajevo podnijelo je najviše Izvještaja o počinjenom krivičnom djelu (Grafikon 9.), i to 4.923 zatim slijede Ministarstva unutrašnjih poslova: Tuzlanskog kantona – 3.624, Zeničko-dobojskog – 1.834, Srednjobosanskog - 987, Unsko-sanskog - 964, Hercegovačko-neretvanskog - 723, Federalna uprava policije - 435, Zapadnohercegovačkog 249, Kantona 10 – Livno - 225, Posavskog kantona - 179 i Bosansko-podrinjskog kantona - 68.



Grafikon 9.: Prikaz podnešenih Izvještaja o počinjenom krivičnom djelu na području FBIH

## KRIVIČNA DJELA IZ KRIVIČNOG ZAKONA BOSNE I HERCEGOVINE

Analizirajući počinjena krivična djela iz Krivičnog zakona Bosne i Hercegovine, tokom 2020. godine na području F BiH evidentirana su 74 krivična djela, što je manje za 15 djela u odnosu na 2019. godinu. Za ova djela je tokom izvještajnog perioda 2020. godine prijavljeno 85 lica što je više za 5 lica u odnosu na 2019. godinu.

Pregled krivičnih djela po glavama Krivičnog zakona Bosne i Hercegovine: Glava XVII Krivičnog zakona Bosne i Hercegovine – evidentirana su 42 krivična djela protiv čovječnosti i vrijednosti zaštićenih međunarodnim pravom (više za 19 djela u odnosu na prošlu godinu), za koja je prijavljeno 57 lica, a slobode su lišena 42 lica. (jedno krivično djelo iz člana 173. „Ratni zločin protiv civilnog stanovništva“; 17 krivičnih djela iz člana 186. „Trgovina ljudima“ za koje je prijavljeno 20 lica, a slobode lišeno 16 lica; 24 krivična djela iz člana 189. „Krijumčarenje osoba“ za koje je prijavljeno 37 lica, a slobode lišeno 26 lica).

Glava XVIII Krivičnog zakona Bosne i Hercegovine - krivična djela protiv privrede i jedinstva tržišta, evidentirana su 24 krivična djela (manje za 14 djela u odnosu na prošlu godinu) protiv 22 lica, gdje su slobode lišena tri lica (20 krivičnih djela iz člana 205. „Krivotvorenje novca“, za koja je prijavljeno 19 lica, a slobode lišeno 3 lica; dva krivična djela iz člana 209. „Pranje novca“ za koja je prijavljeno jedno lice; 2 krivična djela iz člana 210. „Porezna utaja“, za koje su prijavljena 2 lica).

Glava XIX Krivičnog zakona Bosne i Hercegovine - krivična djela protiv korupcije i protiv službene i druge odgovorne funkcije, evidentirana su 3 krivična djela protiv dva lica (tri krivična djela iz člana 220. „Zloupotreba položaja ili ovlaštenja“ za koja su prijavljena dva lica).

Evidentirano je 5 krivičnih djela protiv 4 lica, i to iz domena „Ostalih krivičnih djela prema Krivičnom zakonu Bosne i Hercegovine“.

POKAZATELJI KRIMINALITETA PO GLAVAMA KZ BIH NA PODRUČJU FEDERACIJE BIH ZA PERIOD: JANUAR-DECEMBAR 2020./2019. GODINE									
	UKUPNO EVIDENTIRANIH KD			BROJ NAKNADNO RASVIJETLJENIH KD			BROJ OTKRIVENIH KD		
KZ BIH	2019.GODINA	2020.GODINA	(%)TREND KD	2019.GODINA	2020.GODINA	(%) TREND KD	2019.GODINA	2020.GODINA	(%)TREND OTKRIVENOSTI KD 2020/2019.
XV PROTIV SLOBODE I PRAVA ČOVJEKA I GRAĐANINA	0	0	/	0	0	/	0	0	/
XVI PROTIV INTEGRITETA BOSNE I HERCEGOVINE	0	0	/	0	0	/	0	0	/
XVII PROTIV ČOVJEČNOSTI I VRIJEDNOSTI ZAŠTIĆENIH MEĐUNARODNIM PRAVOM	23	42	82.61%	0	0	/	21	41	95.24%
XVIII PROTIV PRIVREDE I JEDINSTVA TRŽIŠTA TE KRIVIČNA DJELA IZ OBLASTI CARINA	38	24	-36.84%	7	8	14.29%	34	16	-52.94%
XIX PROTIV KORUPCIJE I KRIVIČNA DJELA PROTIV SLUŽBENE I DRUGE ODGOVORNE FUNKCIJE	6	3	-50.00%	0	0	/	6	3	-50.00%
XX PROTIV PRAVOSUDA	0	0	/	0	0	/	0	0	/
XXI PROTIV POVREDE AUTORSKIH PRAVA	0	0	/	0	0	/	0	0	/
XXII DOGOVOR, PRIPREMANJE, UDRUŽIVANJE I ORGANIZOVANI KRIMINAL	9	0	-100.00%	0	0	/	9	0	-100.00%
OSTALA KD PREMA KZ BIH	13	5	-61.54%	0	0	/	13	5	-61.54%
UKUPNO KD PREMA KZ BIH	89	74	-16.85%	7	8	14.29%	83	65	-21.69%

Tabela 3.: Kvantitativni pokazatelji kriminaliteta po Glavama KZ BIH

# KRIVIČNA DJELA IZ KRIVIČNOG ZAKONA FEDERACIJE BOSNE I HERCEGOVINE


POKAZATELJI KRIMINALITETA PO GLAVAMA KZ FBiH NA PODRUČJU FEDERACIJE BiH ZA PERIOD: JANUAR- DECEMBAR 2020./2019. GODINE										
		UKUPAN BROJ EVIDENTIRANIH KD			BROJ NAKNADNO RASVIJETLJENIH KD PO NN			BROJ OTKRIVENIH KD		
Column1	KZ F BiH	2019.GODINA	2020.GODINA	(%)TREND KD	2019. GODINA	2020. GODINA	(%) TREND KD	2019 .GODINA	2020 .GODINA	(%)TREND OTKRIVENOSTI KD 2020./2019.
XV	PROTIV USTAVNOG PORETKA	7	12	71.43%	1	3	200.00%	4	10	150.00%
XVI	PROTIV ŽIVOTA I TIJELA	807	712	-11.77%	89	64	-28.09%	731	648	-11.35%
XVII	PROTIV SLOBODE I PRAVA ČOVJEKA I GRAĐANINA	670	607	-9.40%	89	56	-37.08%	607	563	-7.25%
XVIII	TERORIZMA	0	0	/	0	0	/	0		/
XIX	PROTIV SPOLNE SLOBODE I MORALA	119	104	-12.61%	10	3	-70.00%	115	103	-10.43%
XX	PROTIV BRAKA, PORODICE I MLADEŽI	1004	891	-11.25%	2	1	-50.00%	1004	890	-11.35%
XXI	PROTIV ZDRAVLJA LJUDI	1857	2188	17.82%	128	299	133.59%	1840	2161	17.45%
XXII	PROTIV PRIVREDE, POSLOVANJA I SIGURNOSTI PLATNOG PROMETA	61	111	81.97%	1	0	-100.00%	61	111	81.97%
XXIII	IZ OBLASTI POREZA	4	4	0.00%	0	0	/	4	4	0.00%
XXIV	RADNIH ODNOSA	2	5	150.00%	0	1	/	2	5	150.00%
XXV	PROTIV IMOVINE	8049	7978	-0.88%	2718	2622	-3.53%	3342	2679	-19.84%
XXVI	PROTIV OKOLIŠA, POLJOPRIVREDE I PRIRODNIH DOBARA	238	207	-13.03%	77	71	-7.79%	148	135	-8.78%
XXVII	PROTIV OPĆE SIGURNOSTI LJUDI I IMOVINE	293	326	11.26%	54	66	22.22%	174	181	4.02%
XXVIII	PROTIV SIGURNOSTI JAVNOG PROMETA	701	586	-16.41%	67	70	4.48%	659	550	-16.54%
XXIX	PROTIV PRAVOSUĐA	103	146	41.75%	20	16	-20.00%	98	140	42.86%
XXX	PROTIV JAVNOG REDA I PRAVNOG PROMETA	1057	1145	8.33%	220	116	-47.27%	985	1071	8.73%
XXXI	PROTIV SLUŽBENE I DRUGE ODGOVORNE FUNKCIJE	360	624	73.33%	3	3	0.00%	359	624	73.82%
XXXII	SISTEMA ELEKTRONSKE OBRADE PODATAKA	57	154	170.18%	5	4	-20.00%	49	143	191.84%
	OSTALA KD PREMA KZ FBiH	258	228	-11.63%	35	30	-14.29%	217	200	-7.83%
	KD IZ DRUGIH POSEBNIH ZAKONA	189	172	-8.99%	12	10	-16.67%	188	172	-8.51%

Tabela 4.: Kvantitativni pokazatelji kriminaliteta po Glavama KZ F BiH

## SPOLNA STRUKTURA PRIJAVLJENIH LICA OSUMNJIČENIH ZA IZVRŠENJE KRIVIČNIH DJELA

PERIOD: JANUAR-DECEMBAR - 2020. GODINE	BROJ OSUMNJIČENIH LICA (PRIJAVLJENIH ZA KD)							BROJ POVRATNIKA U VRŠENJU KD			
	UKUPAN BROJ OSUMNJIČENIH LICA	BROJ OSUMNJIČENIH (ODRASLE OSOBE)	MUŠKI	ŽENSKI	BROJ OSUMNJIČENIH (MALOLJETNICI)	MUŠKI	ŽENSKI	BROJ POVRATNIKA U VRŠENJU KD (ODRASLE OSOBE)	MUŠKI	ŽENSKI	UDIO POVRATNIKA U VRŠENJU KD U UKUPNOM BROJU OSUMNJIČENIH OSOBA
UNSKO - SANSKI KANTON	1402	1369	1258	111	33	33	0	516	492	24	36.80%
POSAVSKI KANTON	194	191	172	19	3	3	0	50	49	1	25.77%
TUZLANSKI KANTON	2735	2640	2428	212	95	91	4	892	853	39	32.61%
ZENIČKO - DOBOJSKI KANTON	1942	1861	1767	94	81	76	5	915	902	13	47.12%
BOSANSKO-PODRINJSKI KANTON	81	81	75	6	0	0	0	40	39	1	49.38%
SREDNJOBOSANSKI KANTON	959	928	864	64	31	29	2	353	347	6	36.81%
HERCEGOVAČKO-NERETVANSKI KANTON	518	512	476	36	6	5	1	150	149	1	28.96%
ZAPADNOHERCEGOVAČKI KANTON	198	196	186	10	2	2	0	22	21	1	11.11%
KANTON SARAJEVO	2439	2386	2217	169	53	52	1	1429	1376	53	58.59%
KANTON 10 LIVNO	255	249	233	16	6	6	0	125	120	5	49.02%
FEDERALNA UPRAVA POLICIJE	646	643	549	94	3	2	1	99	98	1	15.33%
<b>FEDERACIJA BiH</b>	<b>11369</b>	<b>11056</b>	<b>10225</b>	<b>831</b>	<b>313</b>	<b>299</b>	<b>14</b>	<b>4591</b>	<b>4446</b>	<b>145</b>	<b>40.38%</b>

Tabela 5.: Kvantitativni pokazatelji spolne strukture prijavljenih lica osumnjičenih za izvršenje krivičnih djela u 2020. godini



Grafikon 10.: Struktura prijavljenih lica osumnjičenih za izvršenje krivičnih djela u F BiH za 2020. godinu

U nastavku su prezentovani raščlanjeni podaci iz tabele 4. koji su dostavljeni od strane kantonalnih Ministarstava unutrašnjih poslova i Federalne uprave policije, sa područja Federacije Bosne i Hercegovine, selektovani na osnovu Glava Krivičnog zakona Federacije Bosne i Hercegovine.

## **KRIVIČNA DJELA PROTIV USTAVNOG PORETKA**

Tokom 2020. godine iz ove oblasti zabilježeno je 12 krivičnih djela protiv ustavnog poretka (više za 5 djela u odnosu na prošlu godinu). Za ova djela podnešeni su službeni izvještaji nadležim tužilaštvima protiv 10 lica a slobode su lišena tri lica (12 krivičnih djela iz čl.163 KZ FBiH "Izazivanje narodnosne, rasne i vjerske mržnje, razdora i netrpeljivosti" protiv 10 lica).

## **KRIVIČNA DJELA PROTIV ŽIVOTA I TIJELA**

U periodu januar-decembar 2020. godine na području Federacije Bosne i Hercegovine evidentirano je ukupno 712 krivičnih djela protiv života i tijela (manje za 95 u odnosu na 2019. godinu), za koja je prijavljeno 780 lica, od kojih je 237 lišeno slobode.<sup>9</sup>

KRIVIČNA DJELA PROTIV ŽIVOTA I TIJELA- FEDERACIJA BOSNE I HERCEGOVINE								
PERIOD:JANUAR-DECEMBAR	UKUPAN BROJ KRIVIČNIH DJELA	KD PO POZNATOM POČINIOCU	KD PO NN	UKUPAN BROJ PRIJAVLJENIH LICA	BROJ PRIJAVLJENIH MALOLJETNIKA	BROJ PRIJAVLJENIH POVRATNIKA U VRŠENJU KD	BROJ PRIPADNIKA MUP-a	BROJ LICA LIŠENA SLOBODE
2019. GODINA	807	663	144	901	65	269	1	237
2020. GODINA	712	615	97	780	30	261	4	237
RAZLIKA	-95	-48	-47	-121	-35	-8	3	0
TREND (%)	-11.77%	-7.24%	-32.64%	-13.43%	-53.85%	-2.97%	300.00%	0.00%

Tabela 6.: Usporedni pokazatelji krivičnih djela iz KZ F BiH protiv života i tijela

Analizirajući krivična djela iz Glave XVI Krivičnog zakona Federacije Bosne i Hercegovine, tokom 2020. godine vidljivo je povećanje krivičnih djela – ubistvo iz člana 166. KZ FBiH (za tri više u odnosu na 2019. godinu), kao i krivičnih djela – ubistvo u pokušaju iz člana 166. u vezi sa članom 28 KZ FBiH ( za 8 djela više u odnosu na 2019. godinu)<sup>10</sup>. Tokom 2020. godine evidentirana su krivična djela ubistva na području: Kantona Sarajevo - 11, zatim Tuzlanskog kantona – 5, Unsko-sanskog i Srednjobosanskog po 3, Zeničko-dobojskog – 2 i Hercegovačko-neretvanskog i Kantona 10 - Livno po jedno.

KRIVIČNA DJELA PROTIV ŽIVOTA I TIJELA NA PODRUČJU F BiH - PERIOD:JANUAR-DECEMBAR					
GLAVA XVI KZ FBiH	KRIVIČNO DJELA	2019. GODINA	2020. GODINA	RAZLIKA	TREND (%)
ČLAN 166.	UBISTVO	24	27	3	12.50%
ČLAN 166. U VEZI SA ČLANOM 28.	UBISTVO U POKUŠAJU	44	52	8	18.18%
ČLAN 168.	PROUZROKOVANJE SMRTI IZ NEHATA	1	3	2	200.00%
ČLAN 169.	ČEDOMORSTVO	2	0	-2	/
ČLAN 172.	TEŠKA TJELESNA OZLJEDA	259	214	-45	-17.37%
ČLAN 173.	LAKA TJELESNA OZLJEDA	457	398	-59	-12.91%
ČLAN 174.	UČESTVOVANJE U TUČI	19	17	-2	-10.53%
ČLAN 175.	NEPRUŽANJE POMOĆI	1	1	0	0.00%
	UKUPNO	807	712	-95	-11.77%

Tabela 7.: Pokazatelji krivičnih djela iz Glave XVI KZ F BiH.

<sup>9</sup> Vidi tabelu 6.

<sup>10</sup> Vidi tabelu broj 7 i 8



REDNI BROJ	DATUM	KANTON	MIJESTO	ŽRTVA	SPOL-ŽRTVA	OSUMNJIČENI	SPOL-OSUMNJIČENI	SRODSTVO SA ŽRTVOM	NAČIN IZVRŠENJA	SREDSTVO IZVRŠENJA	RASVIJETLJENOST
1	8.06.2020	TUZLANSKI KANTON	TUZLA	B.M.(1995) MIGRANT MAROKO	M	C.K.(1991)	M	NE	OŠTRI PREDMET	NEPOZNATO	DA
2	28.5.2020.	UNSKO-SANSKI KANTON	CAZIN	S.U.A. I SH. M. (MIGRANTI AVGANISTAN)	2M	NN			FIZIČKA SNAGA		NE
3	31.08.2020.	KANTON SARAJEVO	ILIDŽA	NN MIGRANT AFROAZIJSKOG PORIJEKLA	M	K.A.(1993)MIGRANT- MAROKO	M	NE	HLADNO ORUŽJE	NOŽ	DA
4	17.09.2020	KANTON SARAJEVO	ILIDŽA	NN MIGRANT AFROAZIJSKOG PORIJEKLA	M	F.L.(1995) ALŽIR I A.A.(2002) ALŽIR	2M	NE	NEPOZNATO	NEPOZNATO	DA
5	27.09.2020	UNSKO-SANSKI KANTON	BIHAĆ	B.N.(MIGRANT PAKISTAN)	M	NN		NE			NE
6	5.11.2020	KANTON SARAJEVO	NOVI GRAD SARAJEVO	NN MIGRANT AFROAZIJSKOG PORIJEKLA	M	NN MIGRANT AFROAZIJSKOG PORIJEKLA		MIGRANT AFROAZIJSKOG PORIJEKLA	HLADNO ORUŽJE	NOŽ	DA
7	17.11.2020	KANTON SARAJEVO	ILIDŽA	B.J.(1984)	M	S.E.D.(1989) H. B.(1995) i NN MIGRANT MAROKO	M	MIGRANT MAROKO	HLADNO ORUŽJE	NOŽ	DA

Tabela 8.: Krivična djela iz člana 166. KZ FBiH „Ubistva“, počinjena od strane migranata

Tokom 2020. godine na području FBiH evidentirano je 7 krivičnih djela ubistva koja su počinili pripadnici migrantske populacije od kojih su dva nerasvjetljena, a koja su se desila na području: Kantona Sarajevo – 4 krivična djela, Unsko-sanskog kantona – 2 krivična djela i Tuzlanskog kantona – jedno krivično djelo.

### **KRIVIČNA DJELA PROTIV SLOBODE I PRAVA ČOVJEKA I GRAĐANINA**

Iz Glave XVII Krivičnog zakona Federacije Bosne i Hercegovine tokom 2020. godine zabilježeno je 607 krivičnih djela (manje za 67 u odnosu na prošlu godinu), protiv 606 lica, od kojih je 138 lišeno slobode. Najviše krivičnih djela zabilježeno je u članu 183. „Ugrožavanje sigurnosti“, i to 542 krivična djela (manje za 49 djela nego prošle godine), za koja je prijavljeno 516 lica, dok je 112 lica lišeno slobode.

### **KRIVIČNA DJELA PROTIV SPOLNE SLOBODE I MORALA**

Tokom izvještajnog perioda za 2020. godinu na području Federacije Bosne i Hercegovine zabilježena su 104 krivična djela iz Glave XIX Krivičnog zakona Federacije Bosne i Hercegovine (manje za 15 u odnosu na prošlu godinu), za koja je prijavljeno 109 lica, od kojih je 55 lišeno slobode. Najviše krivičnih djela iz ove problematike zabilježeno je u članu 208. „Bludne radnje“ njih 36 (manje za tri u odnosu na 2019. godinu), te je protiv 35 lica podnešen izvještaj o počinjenom krivičnom djelu, a slobode je lišeno 13 lica.

### **KRIVIČNA DJELA PROTIV BRAKA, PORODICE I MLADEŽI**

U izvještajnom periodu zabilježeno je 891 krivičnih djela iz Glave XX Krivičnog zakona Federacije Bosne i Hercegovine (manje za 203 djela u odnosu na 2019. godinu), a na osnovu kojih je 899 lica prijavljeno, a 425 lišeno slobode. Najviše krivičnih djela je zabilježeno u članu 222. „Nasilje u porodicu“, i to 839 (manje za 117 djela u odnosu na prošlu godinu), za koje je prijavljeno 842 lica, od kojih je 421 lišeno slobode.

## KRIVIČNA DJELA PROTIV ZDRAVLJA LJUDI

Iz Glave XXI Krivičnog zakona Federacije Bosne i Hercegovine ukupno je u periodu za 2020. godine evidentirano 2.188 krivičnih djela (više za 331 djelo u odnosu na 2019. godinu) za koja je prijavljeno 2.257 lica, a 917 lišeno slobode<sup>11</sup>. Najzastupljenija krivična djela su iz člana 238. „Neovlaštena proizvodnja i stavljanje u promet opojnih droga“ 420 krivičnih djela za koja je prijavljeno 439 lica, a slobode je lišeno njih 212 i člana 239. „Posjedovanje i omogućavanje uživanja opojnih droga“- 1.741 krivično djelo za koja je prijavljeno 1.1792 lica, a slobode lišeno 703 lica, te člana 226. „Nepostupanje po zdravstvenim propisima za vrijeme epidemije“ – 21 krivično djelo protiv 21 lica, a slobode lišeno dva lica.

KRIVIČNA DJELA ZLOUPOTREBE OPOJNIH DROGA- FEDERACIJA BOSNE I HERCEGOVINE								
PERIOD: JANUAR-DECEMBAR	UKUPAN BROJ KRIVIČNIH DJELA	KD PO POZNATOM POČINIOCU	KD PO NN	UKUPAN BROJ PRIJAVLJENIH LICA	BROJ PRIJAVLJENIH MALOLJETNIKA	BROJ PRIJAVLJENIH POVRATNIKA U VRŠENJU KD	BROJ PRIPADNIKA MUP-a	BROJ LICA LIŠENA SLOBODE
2019. GODINA	1855	1731	124	1997	37	967	1	861
2020. GODINA	2161	1857	304	2231	61	995	0	915
RAZLIKA	306	126	180	234	24	28	-1	54
TREND (%)	16.50%	7.28%	145.16%	11.72%	64.86%	2.90%	-100.00%	6.27%

Tabela 9.: Pokazatelji krivičnih djela zloupotreba droga na području F BiH.

FEDERACIJA BOSNE I HERCEGOVINE							
PERIOD: JANUAR-DECEMBAR		2019.GODINA			2020.GODINA		
REDNI BROJ	VRSTA OPOJNE DROGE	GRAMA	MILILITARA	KOMADA	GRAMA	MILILITARA	KOMADA
1.	HEROIN	1222.888	0	82	1198.066	0	45
2.	KOKAIN	121.178	0	7	209.126	0	6
3.	AMFETAMIN	30342.531	0	225	7747.735	0	852
4.	MARIHUANA	331339.9724	2760	426	68954.896	0	578
5.	HAŠIŠ	3.913	0	0	16.257	0	12
6.	STABLJICA "KANABISA"	5235.284	0	730	84.363	30	1232
7.	SJEMENKE "KANABISA"	3434.4	0	550	132.918	0	948
8.	EXTAZY	199.52	0	13462.5	89.181	0	741.5
9.	HEPTANON	0	0	27	36.973	48	917
10.	SPEED	26484.235	0	50	7517.488	0	122
11.	OSTALO	5181.9329	13004.6	663.5	9774.7762	10090	5368.25

Tabela 10.: Usporedni pokazatelji oduzete količine opojne droge


Najveći broj krivičnih djela iz oblasti zloupotreba droga evidentirali su policijski službenici Zeničko-dobojskog kantona, Kantona Sarajevo, Tuzlanskog kantona, Srednjobosanskog kantona, Unsko-sanskog kantona, Federalne uprave policije, itd.<sup>12</sup>

<sup>11</sup> Vidi tabelu broj 9.


<sup>12</sup> Vidi tabelu broj 11 i grafikon broj 11.

KD ZLOUPOTREBE OPOJNIH DROGA _JANUAR-DECEMBAR	UKUPNO KD _2019.	PO POZNATOM POČINIOCU	PO NN	UKUPNO PRIJAVLJENO LICA	UKUPNO KD _2020.	PO POZNATOM POČINIOCU	PO NN	UKUPNO PRIJAVLJENO LICA	TREND 2020/2019.
UNSKO-SANSKI KANTON	132	116	16	146	130	130	0	159	-1.52%
POSAVSKI KANTON	5	0	5	4	32	30	2	24	540.00%
TUZLANSKI KANTON	410	402	8	433	423	416	7	432	3.17%
ZENIČKO-DOBOJSKI KANTON	279	231	48	341	584	401	183	602	109.32%
BOSANSKO-PODRINJSKI KANTON	47	47	0	43	25	25	0	31	-46.81%
SREDNJOBOSANSKI KANTON	232	215	17	256	227	214	13	235	-2.16%
HERCEGOVAČKO-NERETVANSKI KANTON	67	37	30	71	83	81	2	89	23.88%
ZAPADNOHERCEGOVAČKI KANTON	31	31	0	37	49	47	2	48	58.06%
KANTON SARAJEVO	543	543	0	546	433	433	0	446	-20.26%
KANTON 10 - LIVNO	8	8	0	9	31	31	0	34	287.50%
FEDERALNA UPRAVA POLICIJE	101	101	0	111	144	144	0	131	42.57%
UKUPNO	1855	1731	124	1997	2161	1952	209	2231	16.50%

Tabela 11.: Upporedni pokazatelji krivičnih djela zloupotreba droga razvrstani po kantonima



Grafikon 11: Rad policije u segmentu zloupotreba droga za 2020. godinu




Grafikon 12: Udio Uprava policija u segmentu kriminaliteta zloupotrebe opojnih droga za 2020. godinu

## KRIVIČNA DJELA PROTIV PRIVREDNOG, FINANSIJSKOG KRIMINALA I KORUPCIJE

Kada se govori o krivičnim djelima iz oblasti privrednog i finansijskog kriminaliteta, te korupcije može se reći da su ovo složena krivična djela za koja je potrebno više vremena i angažovanje većeg broja istražitelja, koji imaju potrebno iskustvo u radu na složenim krivičnim djelima iz ove oblasti kriminala. Posebno treba imati u vidu da su ova krivična djela povezana sa drugim krivičnim djelima i da su počinioci uglavnom organizirane kriminalne grupe koje duže vrijeme planiraju izvršenje ovih djela, što ih čini težim i zahtjevnijim za otkrivanje i dokazivanje. Shodno navedenom, u ovoj oblasti će se izvršiti sumiranje podataka iz krivičnih djela privrednog, finansijskog kriminala i korupcije, i to iz Glava XVIII i XIX KZ BiH, i Glava XXII, XXIII i XXXI KZ FBiH.

PRIVREDNI, FINANSIJSKI KRIMINAL I KORUPCIJA NA PODRUČJU F BiH						
PERIOD: JANUAR-DECEMBAR	BROJ KRIVIČNIH DJELA	BROJ OTKRIVENIH KD	% OTKRIVENOST KD	BROJ PRIJAVLJENIH LICA	BROJ POVRATNIKA U VRŠENJU KD	BROJ LICA LIŠENIH SLOBODE
2019. GODINA	469	464	98.93%	475	41	64
2020. GODINA	766	762	99.48%	440	45	48
RAZLIKA	297	298	0.54%	-35	4	-16
TREND	63.33%	64.22%	0.54%	-7.37%	9.76%	-25.00%

Tabela 12.: Uporedni pokazatelji krivičnih djela privrednog, finansijskog kriminala i korupcije



Grafikon 13: Broj krivičnih djela i broj prijavljenih lica iz domena privrednog, finansijskog kriminala i korupcije za 2020. godine prijavljenih od strane Uprava policije u FBiH

U izvještajnom periodu za 2020. godine na području Federacije Bosne i Hercegovine evidentirano je 766 krivičnih djela iz ove oblasti, što je za 297 krivičnih djela više u odnosu na 2019. godinu. Zbog osnova sumnje da su počinili ova djela nadležnim tužilaštvima prijavljeno je ukupno 440 lica, dok je 48 lica lišeno slobode<sup>13</sup>. Najviše krivičnih djela iz ove oblasti tokom 2020. godine evidentirano je u Kantonu Sarajevo – 364, zatim Tuzlanskom kantonu – 129, Federalnoj upravi policije, Zeničko-dobojskom – 49, i dalje kako slijedi u Grafikonu 13.

<sup>13</sup> Vidi tabelu 12.


Posmatrano po strukturi krivičnih djela iz ove oblasti u 2020. godini policijski službenici na području F BiH evidentirali su sljedeća krivična djela:

Po KZ BiH:


- Član 205. „Krivotvorenje novca“ – 20 krivičnih djela
- Član 209. „Pranje novca“ – 2 krivična djela
- Član 210. „Porezna utaja“ - 2 krivična djela
- Član 220. „Zloupotreba položaja ili ovlaštenja“ - 3 krivična djela

Po KZ FBiH:

- Član 251. „Prijevarena u privrednom poslovanju“ - 18 krivičnih djela
- Član 268. „Obmana pri dobijanju kredita ili drugih pogodnosti“ – 51 krivično djelo
- Član 272. „Pranje novca“ – 24 krivična djela
- Član 273. „Porezna utaja“ - 2 krivična djela
- Član 380. „Primanje dara i drugih oblika koristi“ – 298 krivičnih djela
- Član 381. „Davanje dara ili drugih oblika koristi“ – 12 krivičnih djela
- Član 383. „Zloupotreba položaja ili ovlaštenja“ – 206 krivičnih djela
- Član 384. „Pronevjera u službi“ – 49 krivičnih djela
- Član 387. „Nesavjestan rad u službi“ - 23 krivična djela
- Član 389. „Krivotvorenje službene isprave“ – 16 krivičnih djela.




Grafikon 14.: Udio Uprava policija u F BiH na otkrivanju krivičnih djela iz oblasti privrednog, finansijskog kriminala i korupcije za 2020. godinu




Grafikon 15.: Uporedni pregled otkrivenih krivičnih djela na području FBiH u oblastima organizovanog kriminala, privrednog kriminala, korupcije i kompjuterskog kriminala

U izvještajnom periodu 2020. godine na području FBiH u odnosu na 2019. godinu, vidljivi su rezultati rada policije na otkrivanju krivičnih djela iz oblasti organizovanog kriminala gdje je evidentirano 88 djela (više za 39 djela) protiv 90 lica, zatim iz oblasti krivičnih djela protiv korupcije evidentirano je 627 (više za 261 djelo) protiv 341 lica, iz oblasti kompjuterskog kriminala evidentirano je 154 djela (više za 97 djela) protiv 46 lica i iz oblasti privrednog kriminala evidentirano je 139 djela (više za 36) protiv 99 lica.




Grafikon 16: Privredni kriminal – udio Uprava policije u 2020. godini

Posmatrano u segmentu krivičnih djela privrednog kriminala za 2020. godinu najviše krivičnih djela iz ove oblasti evidentirali su policijski službenici Federalne uprave policije, zatim policijski službenici Zeničko-dobojskog kantona, Tuzlanskog kantona, Unsko-sanskog kantona, Hercegovačko-neretvanskog kantona, Kantona Sarajevo i dalje kako slijedi u Grafikonu 16.



Grafikon 17: Privredni kriminal – udio Uprava policije u 2020. godini


Posmatrano u segmentu koruptivnih krivičnih djela za 2020. godinu najviše krivičnih djela iz ove oblasti evidentirali su policijski službenici Kantona Sarajevo, Tuzlanskog kantona, Federalne uprave policije, Zeničko-dobojskog kantona, Unsko-sanskog kantona, Hercegovačko-neretvanskog, Srednjobosanskog i dalje kako slijedi u Grafikonu 17.



Grafikon 18: Kompjuterski kriminal – udio Uprava policije u 2020. godini

Posmatrano u segmentu krivičnih djela kompjuterskog kriminala za 2020. godinu najviše krivičnih djela iz ove oblasti evidentirali su policijski službenici Federalne uprave policije, zatim Zeničko-dobojskog kantona, Tuzlanskog kantona, Unsko-sanskog kantona, Hercegovačko-neretvanskog, i dalje kako slijedi u Grafikonu 18.





Grafikon 19: Organizovani kriminal – udio Uprava policije u 2020. godini

Posmatrano u segmentu krivičnih djela protiv organizovanog kriminala za 2020. godinu krivična djela iz ove oblasti evidentirali su policijski službenici FUP-a i Tuzlanskog kantona. Grafikon 19.

### **KRIVIČNA DJELA IZ OBLASTI RADNIH ODNOSA**

Iz Glave XXIV Krivičnog zakona Federacije Bosne i Hercegovine ukupno je u 2020. godini evidentirano 5 krivična djela (više za 3 djela nego prošle godine), za koje je prijavljeno 5 lica, te su najzastupljenija krivična djela iz člana 285. "Nepoduzimanje mjera zaštite pri radu", i to dva krivična djela protiv tri lica.

### **KRIVIČNA DJELA PROTIV IMOVINE**

Krivična djela iz Glave XXV Krivičnog zakona Federacije Bosne i Hercegovine, predstavljaju najbrojnija krivična djela u odnosu na ukupan broj prijavljenih djela u Federaciji Bosne i Hercegovine (49,02%), i tokom 2020. godine zabilježeno je 7.978 krivičnih djela iz ove oblasti (manje za 71 djelo u odnosu na 2019. godinu), za koja je prijavljeno 3.462 lica, od kojih je 885 lišeno slobode<sup>14</sup>.

KRIVIČNA DJELA PROTIV IMOVINE - FEDERACIJA BOSNE I HERCEGOVINE										
PERIOD: JANUAR-DECEMBAR	UKUPAN BROJ KRIVIČNIH DJELA	PP	NN	BROJ RASVIJETLJENIH KD PO NN	(%) RASVIJETLJENOST KD PO NN	UKUPAN BROJ PRIJAVLJENIH LICA	BROJ MALOLJETNIKA	BROJ POVRATNIKA U VRŠENJU KD	BROJ PRIPADNIKA MUP-A	BROJ LICA LIŠENIH SLOBODE
2019. GODINA	8049	1291	6758	2051	30.35%	3806	232	1759	4	1063
2020. GODINA	7978	1170	6808	1509	22.17%	3462	141	1814	0	885
RAZLIKA	-71	-121	50	-542	-8.18%	-344	-91	55	-4	-178
TREND (%)	-0.88%	-9.37%	0.74%	-26.43%	-8.18%	-9.04%	-39.22%	3.13%	-100.00%	-16.75%

Tabela 13.: Uporedni pokazatelji krivičnih djela protiv imovine

<sup>14</sup> Vidi tabelu broj 13 i 14.



KRIVIČNA DJELA PROTIV IMOVINE - FEDERACIJA BOSNE I HERCEGOVINE									
PERIOD: JANUAR - DECEMBAR 2020./2019.		BROJ EVIDENTIRANIH KRIVIČNIH DJELA PROTIV IMOVINE (GLAVA XV KZ FBiH)				UKUPAN BROJ OTKRIVENIH KRIVIČNIH DJELA			
ČLAN KZ F BiH	KRIVIČNO DJELO	2019. GODINA	2020. GODINA	RAZLIKA	TREND % 2020./2019.	2019. GODINA	2020. GODINA	RAZLIKA	TREND % 2020./2019.
286	KRAĐA	2351	2420	69	2.93%	1129	820	-309	-27.37%
287	TEŠKA KRAĐA	3392	3525	133	3.92%	858	739	-119	-13.87%
288	RAZBOJNIČKA KRAĐA	16	25	9	56.25%	9	12	3	33.33%
289	RAZBOJNIŠTVO	571	455	-116	-20.32%	163	130	-33	-20.25%
290	UTAJA	207	176	-31	-14.98%	156	127	-29	-18.59%
291	ODUZIMANJE TUĐE POKRETNINE	66	48	-18	-27.27%	47	25	-22	-46.81%
292	PROTUPRAVNO ZAUZIMANJE NEKRETNOSTI OD OPĆEG ZNAČAJA	2	5	3	150.00%	2	5	3	150.00%
293	OŠTEĆENJE TUĐE STVARI	943	863	-80	-8.48%	572	484	-88	-15.38%
294	PRIJEVARA	302	320	18	5.96%	253	242	-11	-4.35%
295	IZNUDA	50	31	-19	-38.00%	48	24	-24	-50.00%
296	UCJENA	34	22	-12	-35.29%	30	16	-14	-46.67%
297	ZLOUPOTREBA POVJERLJIVOSTI	6	1	-5	-83.33%	6	1	-5	-83.33%
298	LIHVARSTVO	6	8	2	33.33%	6	8	2	33.33%
299	PREVARA POVJERLJIVOSTI	4	3	-1	-25.00%	4	3	-1	-25.00%
300	PRIKRIVANJE	41	31	-10	-24.39%	40	31	-9	-22.50%
301	PALJEVINA	55	41	-14	-25.45%	14	8	-6	-42.86%
302	ZLOUPOTREBA OSIGURANJA	3	4	1	33.33%	5	4	-1	-20.00%
	UKUPNO	8049	7978	-71	-0.88%	3342	2679	-663	-19.84%

Tabela 14.: Uporedni pokazatelji krivičnih djela iz Glave XXV KZ F BiH, sa procentom otkrivenosti i rasvijetljenosti


## OTUĐENJA MOTORNIH VOZILA NA PODRUČJU FEDERACIJE BiH

Na području FBiH u izvještajnom periodu za 2020. godinu evidentirano je 246 krivičnih djela otuđenja motornih vozila, što predstavlja smanjenje broja djela za 155 u odnosu na 2019. godinu, a što je prezentirano u priloženoj tabeli broj 15. Za ova djela nadležnim tužilaštvima prijavljeno je 51 lice, a njih 24 je lišeno slobode. Naknadno su rasvijetljena 52 krivična djela.

KRIVIČNA DJELA OTUĐENJA MOTORNIH VOZILA - FEDERACIJA BOSNE I HERCEGOVINE								
PERIOD: JANUAR-DECEMBAR	BROJ OTUĐENJA MOTORNIH VOZILA	PO POZNATOM POČINIOCU	PO NEPOZNATOM POČINIOCU	BROJ NAKNADNO RASVIJETLJENIH OTUĐENJA MOTORNIH VOZILA IZVRŠENIH PO NN	BROJ PRIJAVLJENIH LICA	BROJ UČINILACA	RASVIJETLJENOST PO NN	BROJ LICA LIŠENIH SLOBODE
2019. GODINA	401	6	395	99	118	153	25.06%	53
2020. GODINA	246	1	245	52	51	85	21.22%	24
RAZLIKA	-155	-5	-150	-47	-67	-68	-3.84%	-29
TREND ( % )	-38.65%	-83.33%	-37.97%	-47.47%	-56.78%	-44.44%	-3.84%	-54.72%

Tabela 15.: Uporedni pokazatelji krivičnih djela otuđenja motornih vozila na području FBiH

Na grafikonu broj 20. brojčano su iskazana otuđenja motornih vozila razvrstanih po kantonima, gdje se može vidjeti da je u 2020. godini u odnosu na prošlu godinu došlo je do primjetnog smanjenja broja krivičnih djela otuđenih motornih vozila na području cijele FBiH.



Grafikon 20.: Pregled evidentiranih krivičnih djela otuđenja motornih vozila u F BiH

FBIH: JANUAR DECEMBAR 2020.	BROJ KD OTUĐENJA MOTORNIH VOZILA	BROJ RASVIJETLJENIH KD	BROJ PRIJAVLJENIH LICA ZA KD	BROJ LICA LIŠENIH SLOBODE
UNSKO-SANSKI KANTON	12	5	7	6
POSAVSKI KANTON	2	1	2	1
TUZLANSKI KANTON	53	13	14	2
ZENIČKO-DOBOJSKI KANTON	34	4	5	3
BOSANSKO-PODRINJSKI KANTON	0	0	0	0
SREDNJOBOSANSKI KANTON	22	4	6	2
HERCEGOVAČKO-NERETVANSKI KANTON	29	2	2	1
ZAPADNOHERCEGOVAČKI KANTON	0	0	0	0
KANTON SARAJEVO	94	24	15	9
KANTON 10 - LIVNO	0	0	0	0
UKUPNO - FBIH	246	53	51	24

Tabela 16: Udio – Uprava policije u FBiH po krivičnom djelu otuđenja motornih vozila u 2020. godini

VRSTA OTUĐENIH MOTORNIH VOZILA NA PODRUČJU FBIH																	
PERIOD: JANUAR-DECEMBAR	VW	AUDI	MERCEDES	BMW	OPEL	SKODA	PEUGEOT	REANULT	CITROEN	HYUNDAI	KIA	FIAT	ALFA ROMEO	NISSAN	HONDA	OSTALO	UKUPNO
2019. GODINA	243	23	7	16	14	20	7	18	4	1	1	12	2	1	2	30	401
2020. GODINA	151	7	5	7	5	16	7	13	2	0	1	9	0	0	0	26	249
TREND	-37.86%	-69.57%	-28.57%	-56.25%	-64.29%	-20.00%	0.00%	-27.78%	-50.00%	-100.00%	0.00%	-25.00%	-100.00%	-100.00%	-100.00%	-13.33%	-37.91%

Tabela 17.: Pregled vrste otuđenih motornih vozila na području FBiH

## **KRIVIČNA DJELA PROTIV OKOLIŠA, POLJOPRIVREDE I PRIRODNIH DOBARA**

U Glavi XXVI Krivičnog zakona Federacije Bosne i Hercegovine tokom izvještajnog perioda za 2020. godinu evidentirano je 207 krivičnih djela iz ove oblasti (manje za 31 djelo u odnosu na 2019. godinu), za koja je prijavljeno 197 lica, od kojih je 16 lišeno slobode. Najzastupljenija djela su iz člana 316. „Šumska krađa“, u okviru kojeg je evidentirano 155 krivičnih djela, za koje je nadležnom tužilaštvu prijavljeno 151 lice, od kojih je 9 lišeno slobode, te člana 318. „Mučenje i ubijanje životinja“ gdje je evidentirano 31 krivično djelo (za 14 djela više u odnosu na 2019. godinu) za koja je prijavljeno 24 lica, dok je 6 lišeno slobode.

## **KRIVIČNA DJELA PROTIV OPĆE SIGURNOSTI LJUDI I IMOVINE**

U okviru Glave XXVII Krivičnog zakona Federacije Bosne i Hercegovine evidentirano je 326 krivičnih djela (više za 33 u odnosu na 2019. godinu), a prijavljeno je 229 lica, od kojih je 61

lišeno slobode. Najveći broj krivičnih djela je iz člana 323. „Izazivanje opće opasnosti“, i to 281 krivično djelo (više za 33 djela nego u 2019. godini), za koje je prijavljeno 182 lica, od kojih je 61 lišeno slobode.

### **KRIVIČNA DJELA PROTIV SIGURNOSTI JAVNOG PROMETA**

Krivičnih djela iz Glave XXVIII Krivičnog zakona Federacije Bosne i Hercegovine ukupno je evidentirano 586 krivičnih djela (manje za 115 nego prošle godine), za koje je prijavljeno 601 lice, a slobode je lišeno 26 lica. Najzastupljenija djela su iz člana 336. „Teška krivična djela protiv sigurnosti javnog prometa“, njih 467 protiv 467 lica, od kojih je 17 lišeno slobode, te člana 332. „Ugrožavanje javnog prometa“ – 61 krivično djelo protiv 82 lica dok je slobode lišeno jedno lice.

### **KRIVIČNA DJELA PROTIV PRAVOSUĐA**

Tokom perioda januar-decembar 2020. godine iz Glave XXIX Krivičnog zakona Federacije Bosne i Hercegovine evidentirano je 146 krivičnih djela (više za 43 djela nego u 2019. godini), protiv 150 lica, od kojih je 38 lišeno slobode. Najveći broj evidentiranih krivičnih djela iz predmetne Glave je iz člana 342. „Organizirani kriminal“, i to 69 djela (više za 49 djela u odnosu na 2019. godinu), protiv 69 lica od kojih je 18 lišeno slobode.

### **KRIVIČNA DJELA PROTIV JAVNOG REDA I PRAVNOG PROMETA**

U 2020. godini iz Glave XXX Krivičnog zakona Federacije Bosne i Hercegovine evidentirano je 1.145 krivičnih djela (više za 88 u odnosu na 2019. godinu), za koja je prijavljeno 1.254 lica, i 330 lišeno je slobode. U okviru ove Glave Krivičnog zakona Federacije Bosne i Hercegovine, najveći broj evidentiranih krivičnih djela je iz člana 362. „Nasilničko ponašanje“, 382 djela, protiv 519 lica, od kojih su 174 lišeno slobode, zatim člana 373. „Krivotvorenje isprave“ – 330 djela protiv 318 lica, a njih 8 je lišeno slobode, člana 371. „Nedozvoljeno držanje oružja ili eksplozivnih materija“ – 185 djela protiv 150 lica, a slobode lišeno 49 lica, člana 359. „Napad na službenu osobu u vršenju poslova sigurnosti“ – 74 djela protiv 81 lica, a slobode lišeno 56 lica člana 358. „Sprječavanje službene osobe u vršenju službene radnje“ – 51 djelo protiv 50 lica, dok je slobode lišeno 33 lica.

### **KRIVIČNA DJELA SISTEMA ELEKTRONSKE OBRADE PODATAKA**

Iz Glave XXXII Krivičnog zakona Federacije Bosne i Hercegovine tokom 2020. godine evidentirana su 154 krivična djela (više za 97 u odnosu na 2019. godinu) protiv 46 lica a slobode su lišena dva lica. Najviše krivičnih djela iz ove oblasti evidentirano je u članu 395. „Računalna prijevara“ – 97 dijela protiv 40 lica slobode lišena dva lica i članu 397. „Neovlašteni pristup zaštićenom sustavu i mreži elektronske obrade podataka“ – 54 djela protiv 5 lica.

### **OSTALA KRIVIČNA DJELA PREMA KZ FBiH**

U oblasti ostalih krivičnih djela prema KZ FBiH tokom izvještajnog perioda 2020. godine evidentirano je 228 krivičnih djela (za 30 dijela manje u odnosu na prošlu godinu) protiv 129 lica od kojih je 68 lišeno slobode.

### **KRIVIČNA DJELA IZ DRUGIH POSEBNIH ZAKONA**


U 2020. godini evidentirana su 172 krivična djela iz drugih posebnih zakona (manje za 17 dijela u odnosu na 2019. godinu), protiv 134 lica od kojih je 50 lišeno slobode.

## SAMOUBISTVA

Na području FBiH u izvještajnom periodu za 2020. godinu evidentirana su 193 samoubistva (više za 5 u odnosu na 2019. godinu). Prema spolnoj strukturi izvršioci su osobe muškog spola – 156 te 37 osobe ženskog spola<sup>15</sup>.

SAMOUBISTVA - FEDERACIJA BOSNE I HERCEGOVINE ZA PERIOD:JANUAR-DECEMBAR				
SPOLNA STRUKTURA POČINILACA SAMOUBISTAVA	2019. GODINA	2020. GODINA	RAZLIKA	TREND %
MUŠKARCI	144	156	12	8.33%
ŽENE	44	37	-7	-15.91%
UKUPNO	188	193	5	2.66%

Tabela 18.: Uporedni pregled počinioca samoubistava razvrstano po spolnoj strukturi na području FBiH



Grafikon 21.: Pregled samoubistava po kantonima u F BiH za 2020. godinu

SAMOUBISTVA PO NAČINU IZVRŠENJA- FEDERACIJA BOSNE I HERCEGOVINE							
PERIOD: JANUAR-DECEMBAR	2019. GODINA			2020. GODINA			TREND 2020/19
SPOLNA STRUKTURA	MUŠKARCI	ŽENE	UKUPNO:	MUŠKARCI	ŽENE	UKUPNO:	
1. VJEŠANJEM	88	20	108	76	15	91	-15.74%
2. VATRENIM ORUŽJEM	33	1	34	47	0	47	38.24%
3. AKTIVIRANJEM RUČNE BOMBE	2	1	3	2	0	2	-33.33%
4. UTAPANJEM	5	7	12	3	4	7	-41.67%
5. OŠTRIM PREDMETOM	3	0	3	4	1	5	66.67%
6. TROVANJEM	1	2	3	3	5	8	166.67%
7. SKOKOM SA VISINE	8	10	18	18	12	30	66.67%
8. OSTALI NAČINI	4	3	7	3	0	3	-57.14%
UKUPNO	144	44	188	156	37	193	2.66%

Tabela 19: Samoubistva po načinu izvršenja za 2020. godinu


<sup>15</sup> Vidi tabelu 18.

## UČEŠĆE MALOLJETNIKA U IZVRŠENJU KRIVIČNIH DJELA

U periodu januar-decembar 2020. godine od ukupnog broja prijavljenih lica, prijavljeno je 313 maloljetnika zbog postojanja osnova sumnje da su izvršili krivična djela, što je manje za 104 u odnosu na 2019. godinu.<sup>16</sup> Prema spolnoj stukturi prijavljenih maloljetnika evidentirano je 299 ili 95,53% maloljetnika muškog spola, a 14 ili 4,47% ženskog spola. Prema dobnoj strukturi prijavljenih maloljetnika evidentirano je 213 ili 68,05% starijih maloljetnika i mlađih maloljetnika 100 ili 31,95% od ukupnog broja prijavljenih.

FEDERACIJA BOSNE I HERCEGOVINE				
JANUAR-DECEMBAR 2020/2019.	2019. GODINA	2020. GODINA	RAZLIKA	TREND %
BROJ PRIJAVLJENIH LICA ZA POČINJENJE KD	11886	11369	-517	-4.35%
BROJ PRIJAVLJENIH MALOLJETNIKA ZA POČINJENJE KD	417	313	-104	-24.94%
% UDIO PRIJAVLJENIH MALOLJETNIKA/ UKUPNOM BROJU PRIJAVLJENIH LICA ZA KD	3.51%	2.75%	-0.76%	-0.76%

Tabela 20.: Uporedni pregled maloljetnih lica počinioa krivičnih djela na području FBiH



Grafikon 22.: Pregled prijavljenih maloljetnika po kantonima u F BiH

SPOLNA STRUKTURA PRIJAVLJENIH MALOLJETNIKA U FBiH JANUAR-DECEMBAR_2020	PERIOD:	MUŠKI SPOL	ŽENSKI SPOL
UNSKO-SANSKI KANTON		33	0
POSAVSKI KANTON		3	0
TUZLANSKI KANTON		91	4
ZENIČKO-DOBOJSKI KANTON		76	5
BOSANSKO-PODRINSKI KANTON		0	0
SREDNJOBOSANSKI KANTON		29	2
HERCEGOVAČKO-NERETVANSKI KANTON		5	1
ZAPADNOHERCEGOVAČKI KANTON		2	0
KANTON SARAJEVO		52	1
KANTON 10 - LIVNO		6	0
FEDERALNA UPRAVA POLICIJE		2	1
UKUPNO		299	14
%		95.53%	4.47%

Tabela 21: Spolna struktura prijavljenih maloljetnika za 2020. godinu

DOBNA STRUKTURA PRIJAVLJENIH MALOLJETNIKA U FBiH JANUAR-DECEMBAR_2020	PERIOD:	MLADI MALOLJETNIK (14-16.)	STARIJI MALOLJETNIK(16-18.)
UNSKO-SANSKI KANTON		9	24
POSAVSKI KANTON		2	1
TUZLANSKI KANTON		33	62
ZENIČKO-DOBOJSKI KANTON		20	61
BOSANSKO-PODRINSKI KANTON		0	0
SREDNJOBOSANSKI KANTON		17	14
HERCEGOVAČKO-NERETVANSKI KANTON		0	6
ZAPADNOHERCEGOVAČKI KANTON		1	1
KANTON SARAJEVO		13	40
KANTON 10 - LIVNO		4	2
FEDERALNA UPRAVA POLICIJE		1	2
UKUPNO		100	213
%		31.95%	68.05%

Tabela 22: Dobna struktura prijavljenih maloljetnika za 2020. godinu

<sup>16</sup> Pregled u tabeli 20.

## STANJE JAVNOG REDA I MIRA NA PODRUČJU FEDERACIJE BIH

U izvještajnom periodu za 2020. godine javni red i mir karakteriše povećanje broja registrovanih prekršaja iz oblasti JRM za 14.678 prekršaja više u odnosu na 2019. godinu, kao i broja prijavljenih lica za 14.973, obzirom na činjenicu donešenih mjera od strane nadležnih kriznih štabova.<sup>17</sup>

JAVNI RED I MIR - FEDERACIJA BOSNE I HERCEGOVINE								
PERIOD: JANUAR-DECEMBAR	UKUPAN BROJ PREKRŠAJA IZ OBLASTI JRM	PREKRŠAJI PO ZAKONU O JRM	PREKRŠAJI PO ODLUCI OPĆINSKIH VIJEĆA	UKUPAN BROJ PRIJAVLJENIH LICA	BROJ IZDATIH PREKRŠAJNIH NALOGA	BROJ PRIJAVLJENIH LICA NA OSNOVU BROJA IZDATIH PREKRŠAJNIH NALOGA	BROJ PODNESENIH ZAHTEVA ZA POKRETANJE PREKRŠAJNOG POSTUPKA	BROJ PRIJAVLJENIH LICA PO ZAHTEVU ZA POKRETANJE PREKRŠAJNOG POSTUPKA
2019. GODINA	15373	13981	1392	16984	10694	10867	3997	10867
2020. GODINA	30052	28287	1765	32051	25667	26027	3883	5178
RAZLIKA	14679	14306	373	15067	14973	15160	-114	-5689
TREND (%)	95.49%	102.32%	26.80%	88.71%	140.01%	139.50%	-2.85%	-52.35%

Tabela 23.: Uporedni pregled podataka o prekršajima iz oblasti javnog reda i mira na području FBiH

Povećanje broja evidentiranih prekršaja iz oblasti javnog reda i mira tokom izvještajnog perioda 2020. godine u odnosu na 2019. godinu zabilježeno je na području cijele FBiH kako slijedi u tabeli broj 24. Kada je riječ o prijavljenim licima učinocima prekršaja, također je došlo do povećanje broja istih iz oblasti prekršaja po javnom redu i miru itd.<sup>18</sup>

UKUPAN BROJ EVIDENTIRANIH PREKRŠAJA IZ OBLASTI JRM - 2020./2019.					UKUPAN BROJ PRIJAVLJENIH LICA ZA PREKRŠAJE IZ OBLASTI JRM - 2020./2019.			
FEDERACIJA BiH	2019. GODINA	2020. GODINA	RAZLIKA	TREND %	2019. GODINA	2020. GODINA	RAZLIKA	TREND %
UNSKO - SANSKI KANTON	3653	3923	270	7.39%	3696	4041	345	9.33%
POSAVSKI KANTON	141	331	190	134.75%	131	320	189	144.27%
TUZLANSKI KANTON	1981	2785	804	40.59%	2448	3425	977	39.91%
ZENIČKO - DOBOJSKI KANTON	2760	6868	4108	148.84%	3062	7130	4068	132.85%
BOSANSKO-PODRINJSKI KANTON	104	124	20	19.23%	114	160	46	40.35%
SREDNJOBOSANSKI KANTON	1399	2232	833	59.54%	1720	2624	904	52.56%
HERCEGOVAČKO-NERETVANSKI KANTON	705	999	294	41.70%	795	1081	286	35.97%
ZAPADNOHERCEGOVAČKI KANTON	195	221	26	13.33%	241	341	100	41.49%
KANTON SARAJEVO	4154	12152	7998	192.54%	4399	12401	8002	181.90%
KANTON 10 Livno	281	417	136	48.40%	378	528	150	39.68%
UKUPNO	15373	30052	14679	95.49%	16984	32051	15067	88.71%

Tabela 24.: Uporedni pregled ukupnog broja evidentiranih prekršaja i prijavljenih lica iz oblasti javnog reda i mira

<sup>17</sup> Vidi tabelu 23.

<sup>18</sup> Vidi tabelu 24.

BROJ IZDATIH PREKRŠAJNIH NALOGA- 2020/2019	BROJ IZDATIH PREKRŠAJNIH NALOGA				BROJ UČINILACA PREKRŠAJA PO NALOZIMA			
	UKUPNO 2019.	UKUPNO 2020.	RAZLIKA	TREND 2020/19	UKUPNO 2019.	UKUPNO 2020.	RAZLIKA	TREND 2020/19
UNSKO - SANSKI KANTON	1996	2638	642	32.16%	1996	2638	642	32.16%
POSAVSKI KANTON	90	239	149	165.56%	85	234	149	175.29%
TUZLANSKI KANTON	1063	1851	788	74.13%	1176	2097	921	78.32%
ZENIČKO - DOBOJSKI KANTON	2115	6127	4012	189.69%	2177	6191	4014	184.38%
BOSANSKO-PODRINJSKI KANTON	99	121	22	22.22%	109	155	46	42.20%
SREDNJOBOSANSKI KANTON	1122	2193	1071	95.45%	1108	2225	1117	100.81%
HERCEGOVAČKO-NERETVANSKI KANTON	478	758	280	58.58%	478	758	280	58.58%
ZAPADNOHERCEGOVAČKI KANTON	188	197	9	4.79%	233	309	76	32.62%
KANTON SARAJEVO	3317	11193	7876	237.44%	3290	11261	7971	242.28%
KANTON 10 Livno	226	350	124	54.87%	215	421	206	95.81%
UKUPNO	10694	25667	14973	140.01%	10867	26289	15422	141.92%


Tabela 25: Broj izdatih prekršajnih naloga i broj učinilaca prekršaja na području FBiH za 2020. godinu

Zbog učinjenih prekršaja u oblasti protiv javnog reda i mira na području FBiH za 2020. godinu izdato je ukupno 25.667 naloga (više za 14.973 prekršaja u odnosu na 2019. godinu) protiv 26.289 lica (više za 15.422 lica) što je prezentovano u tabeli broj 25.

UKUPNO PREKRŠAJA PO MJESTU UČINJENJA: 2020/2019.	2019. GODINA		2020. GODINA		TREND BROJA PREKRŠAJA 2020/19	TREND BROJA UČINILACA PREKRŠAJA 2020/19.
	BROJ PREKRŠAJA	BROJ UČINILACA	BROJ PREKRŠAJA	BROJ UČINILACA		
UGOSTITELJSKI OBJEKTI	1457	1720	1583	1898	8.65%	10.35%
TRGOVINSKE I ZANATSKJE RADNJE	267	293	678	721	153.93%	146.08%
ULICE, TRGOVI, PUTEVI I DRUGI OTVORENI PROSTORI	10368	11460	24416	25897	135.49%	125.98%
SPORTSKI STADIONI I DVORANE	96	130	72	82	-25.00%	-36.92%
VOZILA JAVNOG PREVOZA	15	16	12	16	-20.00%	0.00%
ŠKOLE I ŠKOLSKA DVORIŠTA	142	161	64	77	-54.93%	-52.17%
OSTALA MJESTA	3025	3201	3211	3343	6.15%	4.44%
UKUPNO	15370	16981	30036	32034	95.42%	88.65%

Tabela 26: Ukupan broj prekršaja po mjestu učinjenja za 2019./2020. godinu

Prema mjestu izvršenja, najveći broj prekršaja evidentiran je na ulici i na drugim otvorenim prostorima – 24.416, a znatno manje u ugostiteljskim objektima – 1.583, u trgovinama i zanatskim radnjama – 678 ... te dalje kako slijedi u datom prikazu tabela 26.



Grafikon 23.:Prekršaji iz oblasti jrm u FBiH za 2020. godinu po mjestu izvršenja

## ODUZETO ILEGALNO POSJEDOVANO ORUŽJE I MINSKO-EKSPLOZIVNA SREDSTVA NA PODRUČJU FEDERACIJE BiH

R.B.	FEDERACIJA BOSNE I HERCEGOVINE ZA PERIOD: JANUAR-DECEMBAR	2019.GODINA	2020.GODINA
1.	TEŠKA ORUŽJA (PUŠKOMITRALJEZ, PAM I SL.)	3	3
2.	AUTOMATSKA PUŠKA	40	49
3.	POLUATOMATSKA PUŠKA	9	17
4.	PUŠKA M-48	12	20
5.	LOVAČKA PUŠKA	85	80
6.	OSTALE VRSTE PUŠAKA	52	51
7.	PIŠTOLJ	284	283
8.	AUTOMATSKI PISTOLJ (HEKLER, ŠKORPION, UZI I SL.)	0	4
9.	TROMBLONSKA MINE	0	1
10.	PROTUOKLOPNA ORUŽJA (RUČNI BACAČ, RAKETA, ZOLJE, OSE... I SL.)	0	6
11.	RUČNA BOMBA	26	43
12.	PETARDE	67725	10621
13.	DRUGE EKSPLOZIVNE NAPRAVE I SREDSTVA	56	13
14.	NOŽEVI, MAČEVI, SABLJE, BAJONETI I SLIČNO	253	236
15.	BOKSERI	27	26
16.	DRUGI PREMETS PODOBNI ZA NANOŠENJE TJELESNIH POVREDA	360	390
17.	MUNICIJA -MECI (U KOMADIMA)	9412	8443
18.	EKSPLOZIV (U KILOGRAMIMA)	15	13

Tabela 27.: Uporedni pregled oduzetog ilegalnog oružja i MES-a

## NABAVLJANJE I DRŽANJE VATRENOG ORUŽJA NA PODRUČJU FEDERACIJE BiH

R.B.	FEDERACIJA BOSNE I HERCEGOVINE ZA PERIOD: JANUAR-DECEMBAR	2019.GODINA	2020.GODINA
1.	BROJ IZDATIH ODOBRENJA ZA NABAVLJANJE ORUŽJA ZA FIZIČKA LICA	6437	6014
2.	BROJ IZDATIH ORUŽANIH LISTOVA ZA FIZIČKA LICA	6392	6563
3.	BROJ IZVRŠENIH ZAMJENA ORUŽANIH LISTOVA ZA FIZIČKA LICA	1963	3650
4.	BROJ IZDATIH ODOBRENJA ZA NABAVLJANJE ORUŽJA ZA PRAVNA LICA	189	192
5.	BROJ IZDATIH ODOBRENJA ZA DRŽANJE ORUŽJA ZA PRAVNA LICA	58	53
6.	BROJ IZDATIH ODOBRENJA ZA DRŽANJE TROFEJNOG ORUŽJA	33	28
7.	BROJ ODUZETOG ORUŽJA U UPRAVNOM POSTUPKU	654	687
8.	BROJ IZDATIH ODOBRENJA ZA NABAVKU MUNICIJE	77	68

Tabela 28.: Uporedni pregled aktivnosti vezanih za nabavljanje i držanje vatrenog oružja



## STANJE SIGURNOSTI SAOBRAĆAJA NA PODRUČJU FEDERACIJE BiH

Tokom 2020. godine na saobraćajnicama u FBiH dogodilo se 20.376 saobraćajnih nesreća što je smanjenje za 3.828 nesreća u odnosu na 2019. godinu. Broj poginulih lica veći je za 2, dok je broj povrijeđenih lica manji za 1.794 lica.<sup>19</sup>

SAOBRAĆAJ - FEDERACIJA BOSNE I HERCEGOVINE								
PERIOD: JANUAR-DECEMBAR	UKUPAN BROJ SAOBRAĆAJNIH NESREĆA	SAOBRAĆAJNE NESREĆE U NASELJIMA	SAOBRAĆAJNE NESREĆE VAN NASELJA	UKUPAN BROJ POGINULIH LICA U SAOBRAĆAJNIM NESREĆAMA	POGINULA LICA VOZAČI	POGINULA LICA PUTNICI	POGINULA LICA PJEŠACI	UKUPAN BROJ POVRIJEĐENIH LICA U SAOBRAĆAJNIM NESREĆAMA
2019. GODINA	24204	20821	3383	136	80	28	28	6879
2020. GODINA	20376	17659	2717	138	86	28	24	5645
RAZLIKA	-3828	-3162	-666	2	6	0	-4	-1234
TREND (%)	-15.82%	-15.19%	-19.69%	1.47%	7.50%	0.00%	-14.29%	-17.94%

Tabela 29.: Uporedni pokazatelji iz segmenta sigurnosti saobraćaja

Posmatrajući podatke iz tabele 21. može se zaključiti da je na području svih kantona došlo do smanjenja broja evidentiranih saobraćajnih nesreća tokom 2020. godine u odnosu na 2019. godinu.


Kada je riječ o povrijeđenim osobama, i tu je primjetan trend smanjenja broja nastradalih osoba u saobraćajnim nesrećama u 2020. godini u odnosu na prošlu godinu na području svih kantona. Posmatrajući podatke o poginulim licima u saobraćaju za 2020. godinu evidentno je povećanje broja poginulih u odnosu na 2019. godinu na području: Zapadnohercegovačkog kantona, Hercegovačko-neretvanskog kantona, Kantona 10 - Livno ...<sup>20</sup>

FEDERACIJA BOSNE I HERCEGOVINE	SAOBRAĆAJNE NESREĆE I POSLJEDICE: JANUAR-DECEMBAR								
	UKUPAN BROJ SAOBRAĆAJNIH NESREĆA		%TREND 2020/19.	BROJ POVRIJEĐENIH LICA U SN		%TREND 2020/19.	BROJ POGINULIH LICA U SN		%TREND 2020/19.
	2019. GODINA	2020. GODINA		2019. GODINA	2020. GODINA		2019. GODINA	2020. GODINA	
UNSKO - SANSKI KANTON	2320	1813	-21.85%	956	646	-32.43%	22	13	-40.91%
POSAVSKI KANTON	189	172	-8.99%	74	68	-8.11%	6	2	-66.67%
TUZLANSKI KANTON	3126	2770	-11.39%	1893	1606	-15.16%	30	35	16.67%
ZENIČKO - DOBOJSKI KANTON	2991	2567	-14.18%	903	724	-19.82%	21	21	0.00%
BOSANSKO-PODRINJSKI KANTON	77	62	-19.48%	26	23	-11.54%	1	0	-100.00%
SREDNJOBOSANSKI KANTON	2770	2102	-24.12%	520	509	-2.12%	13	11	-15.38%
HERCEGOVAČKO-NERETVANSKI KANTON	2029	1606	-20.85%	801	741	-7.49%	18	24	33.33%
ZAPADNOHERCEGOVAČKI KANTON	751	584	-22.24%	466	313	-32.83%	5	9	80.00%
KANTON SARAJEVO	9231	8188	-11.30%	1038	917	-11.66%	12	13	8.33%
KANTON 10 LIVNO	720	512	-28.89%	202	98	-51.49%	8	10	25.00%
UKUPNO	24204	20376	-15.82%	6879	5645	-17.94%	136	138	1.47%


Tabela 30.: Uporedni pregled ukupnog broja evidentiranih saobraćajnih nesreća razvrstanih po kantonima

<sup>19</sup> Vidi tabelu broj 29.

<sup>20</sup> Vidi tabelu broj 30. i grafikon broj 24. i 25.



Grafikon 24: Poginule osobe u saobraćaju na području FBiH po kategoriji učesnika za 2020. godinu



Grafikon 25: Povrijeđene osobe u saobraćaju na području FBiH po kategoriji učesnika za 2020. godinu

Kako je navedeno u uvodnom dijelu ove Informacije o stanju kriminaliteta - sigurnosti za 2020. godinu, rad policije na preventivno-represivnim mjerama kroz segment sigurnosti saobraćaja rezultirao je pokazateljima koji, prema podacima iz tabele 23. u ukupnom prikazu zaključuje da kantonalna Ministarstva unutrašnjih poslova poduzimaju sveukupne aktivnosti na poboljšanju stanja sigurnosti iz ove oblasti.

<b>JANUAR - DECEMBAR</b>	<b>2019. GODINA</b>	<b>2020. GODINA</b>
Broj kontrolisanih vozila i vozača	1210932	989888
Broj kontrolisanih lica u vozilima	283358	256541
Broj pregledanih vozila	259965	216489
Broj pregledanih lica u vozilima	55196	44262
Broj izdatih prekršajnih naloga	677933	606661
Broj isključenih vozila iz saobraćaja zbog tehničke neispravnosti	3167	2448
Broj vozača zatečenih da upravljaju vozilima:	47982	44084
pod uticajem alkohola	15998	13407
pod uticajem opojnih droga	87	5
bez položenog vozačkog ispita	7603	7911
pod izrečenom zaštitnom mjerom	1947	1873
bez korištenja sigurnosnog pojasa	14475	13155
korištenje mobitela tokom vožnje	7839	7729
Broj vozila otkrivenih da učestvuju u saobraćaju bez važeće registracije - neregistrovana vozila	18408	15924

Tabela 31.: Uporedni pokazatelji aktivnosti policije na aktivnostima iz segmenta sigurnosti saobraćaja


## AKTIVNOSTI POLICIJE NA PODRUČJU FEDERACIJE BiH

Na području Federacije Bosne i Hercegovine, tokom 2020. godine evidentirano je 89 napada na policijske službenike što je više za 12 napada u odnosu na 2019. godinu, dok je evidentirano smanjenje broja upotrebe sile od strane policijskih službenika<sup>21</sup>.

PERIOD: JANUAR-DECEMBAR	UKUPAN BROJ NAPADA NA OSŁ	UKUPAN BROJ NAPADAČA	BROJ PODNESENIH SLUŽBENIH IZVJEŠTAJA O POČINJENOM KD	BROJ PRUŽENIH ASISTENCIJA	UKUPAN BROJ UPOTREBE SILE	BROJ UPOTREBE VATRENOG ORUŽJA	BROJ UPOTREBE FIZIČKE SNAGE	BROJ UPOTREBE SREDSTVA ZA VEZIVANJE	BROJ UPOTREBE POLICIJSKE PALICE	BROJ UPOTREBE GASNOG ORUŽJA
2019. GODINA	77	121	53	2390	2021	25	221	1686	88	1
2020. GODINA	89	97	59	2829	1972	12	275	1599	83	3
RAZLIKA	12	-24	6	439	-49	-13	54	-87	-5	2
TREND (%)	15.58%	-19.83%	11.32%	18.37%	-2.42%	-52.00%	24.43%	-5.16%	-5.68%	200.00%

Tabela 32.: Uporedni pokazatelji iz segmenta aktivnosti policije

Analizirajući pregled upotrijebljene sile iz tabele 33., na području FBiH, policijski službenici su 1.972 slučaja upotrijebili sredstva prinude i to u 1.773 opravdano dok je u 199 slučajeva opravdanost upotrebe sile u toku.



Grafikon 26.: Pregled upotrijebljene sile po vrsti na području F BiH u 2020. godini

FEDERACIJA BOSNE I HERCEGOVINE UPOTREBA SILE OD STRANE POLICIJE	UNSKO-SANSKI KANTON	POSAVSKI KANTON	TUZLANSKI KANTON	ZENIČKO-DOBOJSKI KANTON	BOSANSKO-PODRINJSKI KANTON	SREDNJOBOSANSKI KANTON	HERCEGOVAČKO- NERETVANSKI KANTON	ZAPADNOHERCEGOVAČKI KANTON	KANTON SARAJEVO	KANTON 10 - LIVNO	FEDERALNA UPRAVA POLICIJE	JANUAR-DECEMBAR 2020. UKUPNO:
UKUPAN BROJ UPOTREBE SILE:	138	28	541	1067	20	19	20	21	61	35	22	1972
BROJ OPRAVDANIH UPOTREBA SILE	117	24	493	991	20	2	0	20	53	31	22	1773
BROJ NEOPRAVDANIH UPOTREBA SILE	0	0	0	0	0	0	0	0	0	0	0	0
POSTUPAK OPRAVDANOSTI U TOKU	21	4	48	76	0	17	20	1	8	4	0	199
BROJ UPOTREBA VATRENOG ORUŽJA	2		2			1	0	0	4	3		12
BROJ UPOTREBA GASNOG ORUŽJA I HEMIJSKIH SREDSTAVA	0		2			0	0	1	0	0		3
BROJ UPOTREBE FIZIČKE SNAGE	32	14	37	57	4	18	10	11	56	15	21	275
BROJ UPOTREBA POLICIJSKE PALICE	6		30	44	1	0	0	0	1	1		83
BROJ UPOTREBA SREDSTAVA ZA VEZIVANJE	98	14	470	966	15	0	10	9	0	16	1	1599

Tabela 33.: Uporedni pregled upotrebe sile od strane policijskih službenika u F BiH


<sup>21</sup> Vidi tabele 32. i 33.

U izvještajnom periodu 2020. godine 81 napad na policijske službenike evidentiran je kao pojedinačni napad, 5 kao grupni (udružena dva lica) i 3 kao grupni napad (udružena tri i više lica). Najviše napada je izvršeno prilikom održavanja i uspostavljanja javnog reda i mira – 27, kontrole saobraćaja - 19, preduzimanju ostalih radnji – 12, lišavanju slobode – 8, privođenja i zadržavanja kao i pri utvrđivanju identiteta – po 7, zaticanju lica u vršenju krivičnog djela – 4, pri pružanju asistencija – 3, pri intervenciji u vezi nelegalnog prelaska granice i sprovođenju lica po jednom kako slijedi u tabeli 34. Tokom 2020. godine kao posljedica gore navedenih napada prilikom obavljanja službene dužnosti na području Federacije Bosne i Hercegovine 67 policijskih službenika je zadobio lakše ozlijede, dok su dva policijska službenika zadobila teže tjelesne ozljede.<sup>22</sup>

FEDERACIJA BOSNE I HERCEGOVINE	UNSKO-SANSKI KANTON	POSAVSKI KANTON	TUZLAJSKI KANTON	ZENIČKO-DOBROJSKI KANTON	BOSANSKO-PODRINSKI KANTON	SREDNJOBOSANSKI KANTON	HERCEGOVAČKO-NERETVANSKI KANTON	ZAPADNOHERCEGOVAČKI KANTON	KANTON SARAJEVO	KANTON 10 - LUVNO	FEDERALNA UPRAVA POLICIJE	JANUAR-SEPTEMBAR 2020. UKUPNO:
<b>UKUPAN BROJ NAPADA NA OSL</b>	<b>12</b>	<b>2</b>	<b>8</b>	<b>5</b>	<b>0</b>	<b>7</b>	<b>5</b>	<b>2</b>	<b>44</b>	<b>3</b>	<b>1</b>	<b>89</b>
POJEDINAČNI NAPAD	9	2	6	5		7	5	2	42	2	1	81
GRUPNI NAPAD_UDRUŽENA DVA LICA	2								2	1		5
GRUPNI NAPAD_UDRUŽENA TRI I VIŠE LICA	1		2									3
<b>FIZIČKI NAPADI IZVRŠENI PRILIKOM</b>												<b>0</b>
ZATICANJE LICA U VRŠENJU KRIVIČNOG DJELA							1		3			4
ODRŽAVANJA ILI USPOSTAVLJANJA JRM	3	1	4			1	1	1	14	2		27
KONTROLA SAOBRAĆAJA	3		1	1		3	1		10			19
PRATNJE VOZOVA												0
INTERVENCIJE U VEZI NELEGALNOG PRELASKA DRŽAVNE GRANICE			1									1
PRUŽANJE ASISTENCIJE	1			1				1				3
UTVRĐIVANJE IDENTITETA	1	1							5			7
PRIVOĐENJA I ZADRŽAVANJA	2		1	1					3			7
LIŠAVANJA SLOBODE				2			1		4		1	8
SPROVOĐENJE LICA									1			1
PREDUZIMANJE OSTALIH RADNJI	2		1			3	1		4	1		12
<b>BROJ FIZIČKIH NAPADA U KOJIMA SU UPOTREBLJENA ODREĐENA SREDSTVA</b>												<b>0</b>
BROJ NAPADA UZ UPOTREBU VATRENOG ORUŽJA												0
BROJ NAPADA UZ UPOTREBU ORUĐA I DRUGIH PREDMETA	1		2	1					15		1	20
BROJ NAPADA UZ UPOTREBU FIZIČKE SNAGE	10	2	5	3		6	5	2	29	2		64
<b>UKUPAN BROJ NAPADAČA U NAPADIMA NA POLICIJSKE SLUŽBENIKE</b>												<b>0</b>
UKUPAN BROJ NAPADAČA	12	2	13	5		6	5	2	46	5	1	97
BROJ PUNOLJETNIH NAPADAČA	11	2	13	5		6	5	2	42	4	1	91
BROJ MALOLJETNIH NAPADAČA									1	1		2
BROJ NAPADAČA - STRANIH DRŽAVLJANA	1								2			3
BROJ NN NAPADAČA									1			1
<b>POSLEDICE IZVRŠENIH FIZIČKIH NAPADA NA POLICIJSKE SLUŽBENIKE</b>												<b>0</b>
BROJ POGINULIH												0
BROJ RANJENIH												0
BROJ TEŽE POVRRIJEĐENIH			1						1			2
BROJ LAKŠE POVRRIJEĐENIH	12	1	12	4		2	3	2	29	1	1	67
<b>UKUPAN BROJ NASTRĐALIH POLICIJSKIH SLUŽBENIKA</b>	<b>12</b>	<b>1</b>	<b>13</b>	<b>4</b>	<b>0</b>	<b>2</b>	<b>3</b>	<b>2</b>	<b>30</b>	<b>1</b>	<b>1</b>	<b>69</b>


Tabela 34.: Pokazatelji iz segmenta napada na policijske službenike i posljedice u F BiH

<sup>22</sup> Vidjeti tabelu 34.



Grafikon 27.:Napadi na policijske službenike u FBiH za 2020. godinu

Kada je riječ o operativnim aktivnostima policijskih službenika u Federaciji Bosne i Hercegovine tokom 2020. godine, uočeno je povećanje istih u broju izvršenih pretresa ugostiteljskih objekata obzirom na odluke kriznih štabova u FBiH, broja sprovedenih lica i dalje kako slijedi u grafikonu 28., dok je u segmentu broja izvršenih pretresa motornih vozila došlo do primjetnog smanjenja broja istih.<sup>23</sup>



Grafikon 28.: Operativne aktivnosti policijskih službenika u F BiH – uporedni pregled 2020./2019. godina

<sup>23</sup> Vidjeti grafikon 28.

## INFORMACIJE O MIGRANTSKOJ POPULACIJI

Shodno zaključku sa sastanka koordinacije direktora Federalne uprave policije i komesara/direktora kantonalnih Ministarstava unutrašnjih poslova, vezano za aktuelnu situaciju u vezi migrantske krize, u nastavku se prezentuju raspoloživi podaci o migrantima i njihovim djelovanjima, koji u konačnici imaju uticaj na sigurnosnu situaciju na području Federacije Bosne i Hercegovine.

INFORMACIJE O MIGRANTSKOJ POPULACIJI										
JANUAR-DECEMBAR 2020. GODINE(TEREN)	UNSKO-SANSKI KANTON	POSAVSKI KANTON	TUZLANSKI KANTON	ZENIČKO-DOBOJSKI KANTON	BOSANSKO-PODRINJSKI KANTON	SREDNJOBOSANSKI KANTON	HERCEGOVAČKO-NERETVANSKI KANTON	ZAPADNOHERCEGOVAČKI KANTON	KANTON SARAJEVO	KANTON 10 - LIVNO
UKUPAN BROJ MIGRANATA KOJI BORAVE NA DATOM PODRUČJU (SLOBODNA PROCJENA I PODACI IOM-a)	2581		3861	1828	0	13	680		4329	
UKUPAN BROJ KONTROLISANIH MIGRANATA	31938	148	17592	1543	159	296	245	277	6410	1433
BROJ MIGRANATA LIŠENIH SLOBODE	161		11	33	0	4	11		73	
BROJ KRIVIČNIH DJELA POČINJENIH OD STRANE MIGRANATA	73		40	51	0	30	15		99	1
BROJ PREKRŠAJA POČINJENIH OD STRANE MIGRANATA	86		3	12	0	4	13		0	1
BROJ INCIDENATA POČINJENIH OD STRANE MIGRANATA	1082		203	29	0	5	16		172	
BROJ MIGRANATA KOJI SU VRAĆENI IZ SUSJEDNIH DRŽAVA	7210		20	0	0	31	17		0	20
BROJ AKCIJA POLICIJE VEZANIH ZA KRIJUMČARENJE ILEGALNIH MIGRANATA	358		5	2	0	22	3		193	0
BROJ MIGRANATA PREDATIH U IMIGRACIONI CENTAR ILI SLUŽBI ZA POSLOVE SA STRANCIMA	202	19	527	492	189	127	114	277	4646	1433

U nastavku se prezentuju ukratko najbitnije informacije o migrantskoj problematici na području Unsko-sanskog kantona, Kantona Sarajevo i Tuzlanskog kantona, na čijem području je zabilježen najveći broj migranata.

### UNSKO-SANSKI KANTON

I u toku 2020. godine na području USK u kontinuitetu traje pojava enormnog priliva i prisustva većeg broja stranaca - migranata iz Sirije, Libije, Avganistana, Pakistana, Alžira, Maroka, Tunisa, Palestine, Iraka, Irana i drugih bliskoistočnih i afričkih zemalja, a koji su

ilegalno ušli u Bosnu i Hercegovinu iz R Crne Gore i R Srbije i koji pokušavaju da otputuju u zemlje zapadne Evrope, koristeći se BiH kao tranzitnom destinacijom. Koristeći pravo slobode kretanja u Bosni i Hercegovini iz Zakona o strancima i Zakona o azilu, stranci-migranti iz svih dijelova BiH dolaze na USK i duž cjelokupne državne granice svakodnevno pokušavaju ilegalno preći u Republiku Hrvatsku, gdje u najvećem broju slučajeva bivaju spriječeni od strane hrvatske policije i vraćeni nazad u Bosnu i Hercegovinu, odnosno na USK.

Početkom 2018. godine, po otpočinjanju tzv. "migrantske krize u BiH", s obzirom na pojavu prisustva velikog broja stranaca-migranata na području USK, bez smještaja i njihovo zadržavanje i boravak na javnim površinama, parkovima i napuštenim objektima u Gradu Bihaću, u saradnji sa Međunarodnom organizacijom za migracije (IOM) gradske vlasti Bihaća su omogućile njihov smještaj u bivšem „Đačkom domu“ u Bihaću, a općinske vlasti u Velikoj Kladuši formirale su privremeni centar u naselju Trnovi, Općina Velika Kladuša, dok su stranci-migranti, odnosno porodice sa djecom, smješteni u hotelu "Sedra", Općina Cazin.

S tim u vezi, u cilju adekvatnog suočavanja sa rastućom problematikom povećanog prisustva stranaca-migranata na USK, odnosno obezbjeđenja povoljnog sigurnosnog stanja na USK, Uprava policije je sačinila Okvirni plan mjera i aktivnosti Uprave policije broj: 05-04/04-268/18 od 30.05.2018. godine i zavela Operativnu akciju pod nazivom "Migrant", kojim su određeni poslovi i zadaci policije u vezi migrantske krize na USK i po kojem postupaju sve organizacione jedinice Uprave policije MUP USK.

U saradnji sa Međunarodnom organizacijom za migracije (IOM) gradske vlasti Bihaća su omogućile njihov smještaj u bivšem „Đačkom domu“, u kampovima „Bira“ i „Lipa“ u Bihaću, a na području općine Velika Kladuša formiran je privremeni prihvatni centar u naselju Polje u objektu „Miral“, dok su stranci-migranti, odnosno porodice sa djecom, smješteni u hotelu "Sedra", Grad Cazin.

Također, održano je i više sastanaka sa predstavnicima Međunarodne organizacije za migracije (IOM), a sve u cilju iznalaženja rješenja za probleme vezane za boravak stranaca-migranata na području Unsko-sanskog kantona.

Problem sa migrantima na USK je i dalje složen usljed manjka resursa za adekvatnu brigu o njima (neadekvatan smještaj, nedostatak hrane, nedovoljna zdravstvena njega i pojava zaraznih bolesti), te pojava povećanja evidentiranih sigurnosno interesantnih događaja čiji su akteri stranci-migranati, kao i primjetna netrpeljivost među različitim etničkim grupama stranaca-migranata.

Dana 21.04.2020. godine policijski službenici su počeli sa postupanjem po „Operativnom planu rada akcije Lipa 2020“ PS Bihać broj:05-04/07-1-2875/20 od 02.04.2020.godine, koji je sačinjen u skladu sa zaključcima Operativne grupe za koordiniranje aktivnosti i nadzora nad migrantskom krizom na području Unsko-sanskog kantona, kojom je vršeno ograničavanje kretanja i izmještanje stranih osoba-migranata sa javnih površina, devastiranih objekata, kao i iz nelegalnih smještaja kod fizičkih i pravnih lica na području grada Bihaća, na lokalitet Privremenog prihvatnog centra Lipa, u mjestu Lipa.

Dana 30.09.2020.godine provodeći zaključke Operativne grupe USK-a 25 policijskih službenika PS Bihać sa pet rukovodnih radnika, te pripadnici JP za podršku MUP USK pristupili su zatvaranju prihvatnog centra BIRA, kojom prilikom su svi korisnici kampa (517) izmješteni i preveženi u kamp LIPA. Prethodno su u organizaciji Službe za poslove sa strancima, Terenski ured Bihaću i IOM-a iz istog objekta izmješteni maloljetni korisnici kampa (86). Policijski službenici koji su osiguravali kamp su nastavili i dalje osiguravati kamp u cilju spriječavanja ponovnog ulaska migranata u objekat.



Policijski službenici Uprave policije MUP USK-a su u 2020.godini na predmetnom kantonu legitimisali 31.938 migranata i to na području Grada Bihaća-560 migranata, općine B.Petrovac-536 migranata, Grada Cazina-344 migranta, općine Sanski Most-181 migrant, općine Ključ-7316 migranata, općine Velika Kladuša-2994 migranta, općine Bosanska Krupa-16003 migranta i općine Bužim-4004 migranta. Legitimisali su i 1427 maloljetnih lica-migranata i to na području Grada Bihaća-81, općine B.Petrovac-5, Grada Cazina-87, općine Ključ-962, općine V.Kladuša-128, općine B.Krupa-122 i općine Bužim-42).

Prema podacima IOM na dan 31.12.2020.godine na području USK-a boravi 2581 migrant i to na području Grada Bihaća-1229 (Kamp Borić-329 i tranzitni migrantski centar Lipa 900 migranata), na području općine V.Kladuša u Kamp Miral -1003 i u hotelu "Sedra", Grad Cazin-349).

Prema slobodnoj procjeni na području USK-a boravi još oko 2170 migranata koji se nalaze u napuštenim objektima, livadama ili privatnom smještaju (na području Grada Bihaća - oko 1270 migranata, Grada Cazina - oko 200 migranata i općine Velika Kladuša – oko 700 migranata).

Postupajući u skladu sa Naredbom policijskog komesara Uprave policije MUP USK broj:05-04-33/18/MV od dana 23.10.2018.godine, policijski službenici USK na svim rubnim dijelovima USK onemogućavaju dalji priliv i dolazak migranata na USK i iste vraćaju na polazna odredišta, te je u navedenom period na polazna odredišta vraćeno 34.689 migranata (PS Bihać-2473, PS B.Petrovac-548, PS Cazin-3453, PS S.Most-191, PS Ključ-6576, PS V.Kladuša-1710, PS B.Krupa-15.591 i Bužim-4147).

U periodu 01.01.-31.12.2020.godine na područje USK-a policijski službenici su legitimisali 3495 migranata koji su pristigli „talgo“ vozom na željezničku stanicu u Bosanskoj Otoci, općina Bosanska Krupa (januar-1131 migrant, februar-2165 migranata i mart-199 migranata). U periodu od 03.03. do 13.03.2020. godine voz nije saobraćao zbog rekonstrukcije i popravke pruge na području RS, a u periodu od 16.03.2020.godine do danas voz ne saobraća iz razloga novonastale situacije – korona virusa.

Nakon konsultacija sa IOM-om dalje kretanje prema Bihaću i smještajnim kapacitetima nastavio je ukupno 1381 migrant, od kojih 551 maloljetnik (B.Petrovac-6, Ključ-346, V.Kladuša-4, B.Krupa-122 i Bužim-31) i 830 ostalih lica (B.Petrovac-13, S.Most-5, Ključ-398, V.Kladuša-92, B.Krupa-290 i Bužim-32). U istom periodu 161 migrant lišen je slobode (PS Bihać-78, PS B.Petrovac-3, PS Cazin-31, PS V.Kladuša-33, PS Bužim-8 i SKP-8), a 202 su predata Terenskom uredu za strance Bihać (PS Bihać-93, PS B.Petrovac -3, PS Cazin-24, PS S.Most-5, PS Ključ-41, PS V.Kladuša-3 i PS Bužim-33).

## **KANTON SARAJEVO**

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo u prihvatnim i imigracionim centrima boravi cca 4.329 migranata. Tokom 2020. godine migranti su učestvovali u događajima sa obilježjem krivičnog djela i to:

- ubistvo (čl. 166 KZ FBiH) – četiri,
- ubistvo u pokušaju (čl. 166/28 KZ FBiH) – pet,
- teška tjelesna ozljeda (čl. 172 KZ FBiH) – sedam,
- lahka tjelesna ozljeda (čl. 173 KZ FBiH) – sedam,
- učestvovanje u tuči (čl. 174 KZ FBiH) – jedan,

- krijumčarenje osoba (čl. 189 KZ BiH) - pet,
- bludne radnje (čl. 208. KZ FBiH) – jedan,
- nasilje u porodici (čl.222. KZ FBiH) – jedan,
- posjedovanje i omogućavanje uživanja opojnih droga (čl.239 KZ FBiH-a) – 17,
- krađa (čl. 286 KZ FBiH) – 15,
- teška krađa (čl. 287 KZ FBiH) – 12,
- teška krađa u pokušaju (čl. 287. u vezi člana 28. KZ FBiH) – dva,
- teška krađa na naročito opasan ili naročito drzak način (čl.287. st.1 tač. b) KZ FBiH) – dva,
- razbojništvo (čl. 289 KZ FBiH) – 20,
- oštećenje tuđe stvari (čl. 293. KZ FBiH-a) – sedam,
- izazivanje opće opasnosti (čl. 323. KZ FBiH) – jedan,
- napad na službenu osobu u vršenju poslova sigurnosti (čl.359 KZ FBiH) – tri,
- nasilničko ponašanja (čl. 362 KZ FBiH-a) – tri,
- lažno predstavljanje (čl.369.KZ FBiH-a) – jedan i
- krivotvorenje isprave (čl. 373 KZ FBiH) – jedan događaj.

Zbog postojanje osnova sumnje da su učestvovali u izvršenju navedenih događaja policijski službenici Uprave policije MUP-a Kantona Sarajevo lišili su slobode 73 migranata, 42 su predata u nadležnost Kantonalnog tužilaštva Kantona Sarajevo, a 29 je predata Službi za poslove sa strancima. U izvještajnom periodu, policijski službenici kontrolisali su 6.410 migranata, od čega 2.325 nisu posjedovali registrovani obrazac, 506 je upućeno službi za poslove sa strancima radi registracije, 382 su predata službi za poslove sa strancima, 3.717 migranata je smješteno u imigracione centre i nad 53 migranata izvršena je kriminalističko-tehnička obrada.

Provodeći operativno-taktičke mjere i radnje, kao i akcije (ukupno 193 akcije) na području Kantona Sarajevo, u 2020. godini, policijski službenici Uprave policije MUP-a Kantona Sarajevo pronašli su ukupno 2.827 migranata.

## **TUZLANSKI KANTON**

Analizirajući stanje migrantske krize na području Tuzlanskog kantona, može se konstatovati, da je dolazak i prisustvo migranata nastavljen i u 2020. godini. Izvještajni period januar-decembar 2020.godine, imajući u vidu pandemiju virusa Covid-19 i intenzitet rada Službe za poslove sa strancima, Terenski centar Tuzla, može se podijeliti u tri dijela: januar-mart, april-oktobar i oktobar-decembar. Period januar-mart karakteriše preduzimanje službenih mjera i radnji uz saradnju sa Službom za poslove sa strancima, Terenski centar Tuzla, koji su u skladu sa svojim nadležnostima vršili biometrijsku obradu svih migranata koji su iskazali namjeri za azil, a zatim im izdavali potvrdu o iskazanoj namjeri za azil sa obavezom javljanja u nadležnu službu u Sarajevo radi podnošenja zahtjeva za azil.

Drugi period je period u kome je Služba za poslove sa strancima, Terenski centar Tuzla obustavila svoj rad sa migrantima do daljnjeg zbog pandemije virusa Covid -19. O navedenom je Uprava policije obaviještena aktom Službe za poslove sa strancima Ministarstva sigurnosti BiH broj: 18-12-50-152/20 od 28.03.2020.godine. U aktu je navedeno da zbog novonastale

situacije, širenja virusa Covid-19 i nemogućnosti utvrđivanja činjenice odakle migranti ulaze u BiH, kao i položaja Terenskog centra Tuzla, koji je smješten na adresi u Tuzli, ulica Maršala Tita 36/11, ne postoje uslovi za registraciju migranata. S tim u vezi, u aktu je navedeno da policijski službenici u slučaju kada pronađu migrante bez identifikacionih dokumenata (pasoš ili karton tražitelja azila), ili sa potvrdom o iskazanoj namjeri podnošenja zahtjeva za azil, a da nemaju dokaz o prijavi adrese boravka (obrazac broj 21), zbog čega je migrante potrebno transportovati do privremeno prihvatnih centara na području Sarajeva.

Treći period je period kada Služba za poslove sa strancima, Terenski centar Tuzla počinje ponovo sa registracijom ograničenog broja migranata (zbog položaja prostorija navedenog centra), o čemu je Upravu policije na sastanku održanom dana 01.10.2020.godine u službenim prostorijama direktora Uprave policije upoznat šef Terenskog centra Tuzla, Službe za poslove sa strancima.

Analizom aktivnosti policijskih službenika Uprave policije MUP-a TK u vezi sa problematikom koja se odnosi na prisustvo migranata na području Tuzlanskog kantona u vremenskom periodu januar-decembar 2020.godine, može se konstatovati da je u navedenom periodu u kontinuitetu nastavljen dolazak migranata na područje Tuzlanskog kantona sa izuzetkom mjeseca aprila, kada je drastično smanjen priliv migranata zbog pandemije virusa Covid-19, a akcenat službenih mjera i radnji policijskih službenika stavljen je na borbu protiv pandemije virusa Covid-19, gdje su policijski službenici maksimalno bili uključeni kroz kontrolu i nadzor poštivanja naredbi izdatih od strane kriznih štabova i štabova civilne zaštite.

Intezitet dolaska migranata na područje TK ponovo se pojačava od 16.05.2020.godine i njihov broj je konstantno rastao do septembra, kada je evidentno smanjenje njihovog dolaska i prisustva na području Tuzlanskog kantona. Radi se o migrantima koje su uočili i pronašli policijski službenici Uprave policije MUP-a TK. O svim pronađenim migrantima upoznati su službenici Terenskog centra, koji su sugerisali da se migratni upute u privremeni prihvatni centar na području Sarajeva radi iskazivanja namjere za podnošenjem zahtjeva za azil.

Uprava policije MUP-a TK, suočavajući se sa navedenom problematikom koja je u nadležnosti državnih institucija, nastojala je iznaći adekvatne smjernice za postupanje policijskih službenika. U skladu sa procjenom sigurnosne situacije, prevashodno radi održavanja povoljnog stanja sigurnosti, preduzeto je niz aktivnosti. Te aktivnosti su se ogledale prije svega na prikupljanju informacija po pitanju kretanja migranata, njihovom pronalasku i predaji istih službenicima Službe za poslove sa strancima-Terenski centar Tuzla do aprila mjeseca, u vrijeme dok je Terenski centar Tuzla vršio njihovu registraciju, pa do usmjeravanja u privremene prihvatne centre na području Sarajeva, nakon aprila do oktobra 2020.godine, kada je Terenski centar Tuzla ponovo počeo registracijom određenog broja migranata. Osim toga značajan dio aktivnosti usmjeren je na saradnju sa lokalnom zajednicom po navedenoj problematici, te sa drugim sigurnosnim službama na razmjeni sigurnosno interesantnih informacija. Cjelokupan angažman Uprave policije MUP-a TK usmjeren je prije svega na preventivno djelovanje, a po potrebi i represivno kada su u pitanju počinioči krivičnog djela ili prekršaja.

Što se tiče aktivnosti u vezi sa migrantima u vremenskom periodu januar-decembar 2020.godine Uprava policije MUP-a TK preduzela je sljedeće:

- Nastavljena je realizacija do sada naloženih zadataka operativnim planom, instruktivnim depešama i zaključcima Skupštine Tuzlanskog kantona broj: 01-02-488-11/19 od 28.11.2019.godine.

- Naloženo je svim policijskim upravama i policijskim stanicama preduzimanje službenih mjera i radnji na prevenciji i represiji prosjačenja od strane migranata.
- U skladu sa zaključcima sa kolegija direktora Uprave policije naloženo je pojačano preduzimanje svih preventivnih i represivnih mjera s ciljem kontrole i nadzora kretanja migranata na području Tuzlanskog kantona, sa posebnim akcentom na sprečavanje njihovog grupisanja i zadržavanja na javnim površinama.
- U skladu sa zaključcima sa kolegija direktora Uprave policije, naloženo je pojačano prisustvo policijskih službenika na mjestima koje migranti koriste prilikom ulaska na područje Tuzlanskog kantona, kao i na trasama njihovog kretanja na području Kantona.
- U skladu sa zaključcima sa kolegija direktora Uprave policije naloženo je da se prilikom preduzimanja službenih mjera i radnji prema migrantima, službena vozila koriste na propisan način i pod uslovima predviđenim zakonom
- Naloženo je pojačano prisustvo policijskih službenika na relaciji TC Omega-Međugradska autobuska i željeznička stanica-BKC.
- Naloženo je pojačano prisustvo policijskih službenika na dionici kretanja migranata, a posebno u mjestu Strašanj, Grad Živinice.
- U skladu sa zaključcima sa kolegija direktora Uprave policije naloženo je da rukovodioci organizacionih jedinica Uprave policije iniciraju sastanke sa predstavnicima sudova na lokalnom nivou, na kojima je potrebno usaglasiti način sankcionisanja stranih državljana-migranata zatečenih u prekršaju, sa akcentom na probleme u njihovoj identifikaciji i naplati izrečene novčane sankcije.
- Naloženo je svim Policijskim upravama i Policijskim stanicama preduzimanje službenih mjera i radnji na prevenciji i represiji prosjačenja od strane migranata.
- U skladu sa zaključcima sa kolegija direktora Uprave policije naloženo je pojačano prikupljanje podataka i saznanja o boravku migranata u objektima fizičkih ili pravnih lica, koji nemaju prijavu boravaka na našem području, radi obavještanja Službe za poslove sa strancima Terenski centar Tuzla i preduzimanja zajedničkih aktivnosti.
- Organizovan je način angažovanja policijskih službenika i službenih vozila u slučaju zahtjeva Službe za poslove sa strancima za pružanjem pomoći u vezi sa migrantima kojima budu izdata rješenja o protjerivanju i stavljanju pod nadzor u neke od imigracionih centara u Sarajevu,
- Obzirom na početak registracije migranata u Terenskom centru Tuzla od oktobra 2020. godine, naloženo je prisustvo policijskih službenika u ulicama Maršala Tita i Alije Izetbegovića sa trasom kretanja od zgrade MUP-a TK, Kantonalnog tužilaštva TK, Službe za poslove sa strancima-Terenski centar Tuzla, gdje će po potrebi pružati pomoć službenicima Službe za poslove sa strancima, Terenski centar Tuzla.
- U navedenom izvještajnom periodu policijski službenici Uprave policije MUP-a TK su izvršili kontrolu šest vozila i vozača za koje postoje osnovi sumnje da vrše nezakonit prijevoz migranata. O navedenim događajima upoznati su službenici Državne agencije za istrage i zaštitu i Granične policije BiH, koji su nastavili preduzimanje službenih mjera i radnji iz svoje nadležnosti.
- Od strane Odsjeka za kriminalističko-obavještajnu podršku Sektora kriminalističke policije Uprave policije MUP-a TK sačinjena su 432 obavještajna saznanja koja se odnose na migrante, od čega je 27 obavještajnih saznanja dostavljeno nadležnim sigurnosnim agencijama, SIPI, Graničnoj policiji BiH i Federalnoj upravi policije.

- Uprava policije MUP-a TK pružila je 11 asistencija službenicima Službe za poslove sa strancima BiH, Terenski centar Tuzla na prijevozu migranata na relaciji Terenski centar Tuzla do privremenih prihvatnih centara na području Sarajeva.
- U izvještajnom periodu Uprava policije, odnosno PU-PS Kalesija pružila je asistenciju službenicima Službe za poslove sa strancima BiH, Terenski centar Tuzla, koji su preduzimali planske aktivnosti prema stranim državljanima. U navedenim aktivnostima policijski službenici PS Kalesija su prilikom pronalaska migranata, iste dovodili na mjesto predviđeno operativnim planom Službe za poslove sa strancima, a zatim su vršili njihov transport do Terenskog centra Tuzla, odnosno do imigracionog/prihvatnog centra na području Sarajeva. Nakon provedenih aktivnosti od strane Službe za poslove sa strancima, Terenski centar Tuzla doneseno je 105 rješenja o protjerivanju i 105 rješenja o stavljanju pod nadzor migranata u imigracioni/prihvatni centar na području Sarajeva.
- Upućeni su dopisi Komisiji za pravdu, ljudska prava i građanske slobode na pismeni zahtjev, a u vezi sa problematikom migranata.
- Dana 11.03.2020.godine Uprava policije MUP-a TK je pružila asistenciju službenicima Službe za poslove sa strancima Ministarstva sigurnosti BiH na izmiještanju 491 migranta sa prostora međugradske autobuske i željezničke stanice Tuzla, u objekat Kasarne Blažuj, opština Ilidža. Navedene aktivnosti su protekle bez incidenata.
- Dana 28.03.2020.godine policijski službenici su postupajući po aktu Službe za poslove sa strancima Ministarstva sigurnosti BiH broj: 18-12-50-152/20 od 28.03.2020.godine u skladu sa dogovorom sa službenicima Terenskog centra Tuzla, prevezli 24 migranta u privremeni prihvatni centar u Blažuj, međutim, iako je sve rađeno u saradnji sa službom za poslove sa strancima, Terenski centar Tuzla, isti nisu primljeni i vraćeni su nazad u Tuzlu.